



永樂三年冬十月癸亥朔享

太廟○陞金吾右衛指揮同知趙辛為本衛指揮使指

揮僉事高玉武全羽林前衛指揮僉事劉忠

成金吾左衛千戶趙信杜剛劉原趙勝王敬

得張剛方金楊景姚成劉亨王興王信崔義俱為本

衛指揮同知金吾右衛指揮僉事李成揚山姚成俱

令世襲皆以平定九門功也○乙丑命來朝鞬韞頭

目目何散為泰寧衛掌衛事都指揮僉事朵兒朵

等為衛鎮撫千戶等官八禿為福餘衛指揮使賽因

台等為本衛指揮僉事鎮撫等官益哥禿等為朵顏

副千戶苦列爲堅河衛指揮同知各賜冠帶襲衣并銀鈔絲幣有差○賜國子監琉球四川雲南生李傑等并其從人六十三人衣衾○駙馬都尉梅穀卒穀字伯穀開封夏邑人汝南侯思祖從子洪武十一年選尚寧國公主爲駙馬都尉頗驕侈不慎行檢上即位廷臣多言其過者特優容之因與前軍都督僉事譚深錦衣衛指揮趙曦有隙一日四鼓入朝經行橋深曦令人猝殺陸橋下死而曦誣奏穀自赴水死上疑盜殺之命下捕盜甚急至是都督許成發其事上震怒命法司治深曦罪賜祭穀謚榮定遣官治喪塋

官其二子順昌中軍都督府都督同知景福旗手衛指揮使俱食祿不視事○丙寅蜀世子悅嬖辭歸上嘉其純雅諭勉進學賜白金絲幣加厚其從官賜鈔有差○夜有星如蓋大青白色尾跡有光出紫微西蕃外東北行○丁卯周王橐第十子生賜名有頴○遣使齎詔撫諭苗速兒米囊葛卜呂宋麻葉甕南巫里娑羅六國○有告齊王搏不執事者遣人密察之至是還奏皆實乃封告詞示之且賜之書曰王比爲悖逆之事屢矣但兄弟至情不欲顯暴夫人孰不知善之當爲而惡之不當爲王故舍其當爲而從其所

不當爲果何恃而然屢以書戒王而恬不知悔恣肆日甚非分之恩不可數得王其省之母貽後悔○戶部言代府祿米舊歲以穀不登約文三百石今歲豐請如舊例從之○戊辰周王擴遣人齎奏深棟梅罪改之之意

上甚喜命侍臣封擴所奏遣人賫示齊王搏而賜書荅擴曰得見具奏賢弟遷善之誠良深嘉悅兄之心惟欲與諸弟同享并平悠久之福使諸弟皆同賢弟心福愛豈有窮哉賢弟宜益加持守爲諸王表率潘漢於國家昭令譽於無窮此兄之所深望近數爲不法

已封賢弟今日所陳者示之亦冀以興起其遷善之心○己巳貴州中曹水東乖西諸長官司遣人貢馬悉賜之鈔幣○丙午以徐銘爲山東道監察御史銘初任兵部郎中坐罪謫戍安東至是有薦之者故復用之○法司奏貴州都指揮僉事李政挾私憤杖殺土官當斬命原其死謫隸豐城侯李彬令遇敵當先殺賊贖罪無功仍坐死○辛未慶王榘歸宴如初至厚賜賚之并賜其從官鈔有差○壬申以泰州知州董儀爲尚書司丞○改四川成都府上流等九井仙泉通海等三井江安縣黃中等二井南部縣福興寺

六井叙州府富義等十三井新羅等二井潼川州廣
福等三井犍為縣水通等七井忠州涂井雲陽縣雲
安場等五井鹽課司俱隸四川鹽課提舉司普濟長
官司之打冲河巡檢司隸建昌衛軍民指揮使司○
前軍都督僉司譚深錦衣衛指揮使趙曦謀殺駙馬
都尉梅殷伏誅籍其家○癸酉設沙州衛以歸附頭
目周即來買住二人為指揮使給賜印誥冠帶襲衣
沙州與赤斤接境云○乙亥趙王高燧來朝○直隸
鳳陽府懷遠等縣及陝西漢中府金州言春夏不雨
民不及耕而秋種頗收以豆麥折輸稅糧從之○修

無為州周興等鄉及鷹揚衛烏江屯緣江圩岸○丙
子封左軍都督同知許成為推忠效義宣力武臣特
進崇祿大夫柱國永新伯食祿一千石有犯免一死
子孫世襲指揮使旌其發譚深等之姦也○命金吾
左衛故千戶李質子信龐小三弟與俱襲陞指揮僉
事○丁丑賜西洋古里蘇門荅刺加爪哇哈密等處
使臣及歸附鞞鞞頭目宴○戊寅賜寧國公主書曰
駙馬梅殷雖有過失兄以至親不問比聞溺死甚疑
之密訪窮搜不得其實今都督許成來首乃小人所
害訊鞫果得其情首者已加爵賞謀陷之人悉置重

法持報賢妹知之

上諭禮部臣曰自今親王來朝初至及將歸宴於華蓋殿為常禮聞暇就宮中會宴以叙親親之情者不必拘也○陞尚寶司丞朱琇為本司少卿鴻臚寺序班袁也忠徹為尚寶司丞二人皆事

上於藩邸又忠徹太常寺丞廷玉之子云○陞

衛千戶李名道林子宣俱為本衛指揮僉事

瓜哇之勞也○命浙江江西湖廣及直隸安

改造海運船十八艘○己卯陞錦衣衛鎮撫劉

本衛指揮僉事○恭寧孫顏福餘建州兀者等 揮

章乞帖木兒等五十二人及愷騰兒韃靼把禿九山

韃靼野麻哈等四十五人來朝共馬賜鈔幣有差○

命通州衛指揮王立歸侍親立滑縣人初聞其父居

鄉病噎憂甚剗股肉丸藥寓歸療之至是有司上其

事特命歸侍賜立鈔六十錠○庚辰陞前燕府紀善

胡安為戶科給事中命同給事中宋享掌北京皇城

勘合○壬午賜滿剌加國鎮國山碑銘時其國使者

言其王慕義願同中國屬郡歲效職貢請封其山為

一國之鎮

上嘉之諭禮部臣曰先王封山川奠疆域分寶玉賜藩

鎮所以寵異遠人示無外也可封其國之西山為鎮國之山立碑其地

上親製碑文曰朕惟聖德之君大有功於天地者範圍叅贊相協陶甄日月星辰以之明寒暑歲功以之成天得以為天地得以為地各位其所而由寧萬物由是而化生是其一心之運經論之妙有出於天地之外而大於天地者不可以名言也昔朕

皇考太祖聖神文武欽明啓運俊德成功統天大孝高皇帝以聖人之德居聖人之位為三才之主宰和調陰陽合造化貫通宇宙之中包括天地之外智無

祖宗成憲不可改更即命頒之所司永為儀式○迤北指揮哈剌張等貢馬賜銀鈔綵幣○雲南波勒土官麻哈旦麻剌吒并八百者乃土者官刀招稱等遣頭目乃三哈柯等奉金縷表文貢金結絲帽及方物賜鈔文綺有差○癸未趙王高燧還北京賜賚特厚賜其從官鈔有差

皇太子宴餞于江東驛○賜韃靼歸附頭目及波勒土官宴○夜有星如盞大青白色出紫微垣內東北行至游氣○甲申復以平定九門功陞右軍都督有都督僉事高成為都督同知金吾右衛指揮使趙辛為

山西行都司都指揮同知指揮同知高玉為陝西都
指揮僉事武全為陝西行都司都指揮僉司指揮僉
事梁山李成俱為本衛指揮使羽林前衛指揮同知
劉忠為山東都指揮僉事楊翔為河南都指揮僉事
官成為山西都指揮僉事金吾左衛指揮同知王敬
劉聚李得張剛方全楊璟姚成劉亨趙信杜剛劉原
趙勝俱為本衛指揮使王興王信崔義及指揮僉事
姚成俱為羽林前衛指揮使○陞鴻臚寺卿樊敬為
廣東布政司左叅政光祿寺少卿李儒為鴻臚寺卿
鴻臚寺司儀署丞周昇為左寺丞○乙酉賜山西等

不周動與神會凡在天地之中有生之類莫不陰受
其賜自生自育而不自知四十餘年於此矣朕續承
鴻業祗迪先猷膺茲福慶加會萬邦乃永樂三年九
月爾滿剌加國王遣使來朝吳陳王義以為厥土協
和民康物阜風俗淳熙懷仁慕義願同中國屬郡超
異異要荒求為甸服歲貢賦頌首請命純成可加寔
朕

皇考餘恩淑慶延及爾土用致於斯遠惟古先聖王封
山奠域分寶賜鎮寵異萬國敷文布命廣示無外之
意其封滿剌加國之西山為鎮國之山錫以銘詩勒

之真石永示其萬世子孫國人與天無極詩曰西南
鉅海中國通輪天灌地億載同洗日浴月光景融雨
涯露石草木濃金花寶鈿生青紅有國子茲民俗雍
王好喜義思朝宗願比內郡作華風出入尊從張蓋
重儀文傷襲禮虔恭大書貞石表爾忠爾國西山永
鎮山君海伯翕扈從

皇考涉降在彼窮後天監視久益降而衆子孫萬福崇
○禮部進冕服鹵儀儀仗圖并洪武禮制禮儀定式
禮制集要稽古定制等書

上曰議禮制度國家大典前代損益固宜參考

都司及金吾右等衛指揮千百戶脫火赤等百九十
人姓○丙戌設雲南洱海千戶所

上諭兵部臣曰往者以官軍不用心牧馬勅大濮寺
及諸衛所委官董其事年終且實來聞然雲南僚東
四川兩廣道遠往復經年必妨職務其令原管官三
年一赴京考較如託故轉遣人及孳息不如數者罪
之○夜月犯謁者星○戊子賜周王橐等

皇明祖訓且諭之曰

皇考所以垂訓子孫至要之道具在此書朝廷常守之
可以永安

宗社藩王常守之可以常保富貴朝廷與藩王本同
祖宗所出但能皆以

祖宗之心為心則自然各盡其道前代有帝王不能保
全宗室者如宋太宗亦有宗室不能自保全者如周
三濫汗七國此皆是不能以祖宗之心為心朕與諸
弟各勉之時櫛子衆特賜十本○置北京武清衛經
歷司經歷一員○直隸宣州衛言水雨壞城垣七十
餘丈請命修築從之○庚寅設海刺兒千戶所以來
朝野人頭目把先等為千百戶賜誥印冠帶襲衣及
鈔幣有差○夜有星大如鷄子青白色有光出內階

北行入北斗○辛卯摧柱林中衛經歷仲謙為光祿
寺丞○復四川布政司右叅議時中官中初坐罪當
謫戍邊上書陳情願改過遂命為行人至是出使琉
球還故復其職○以前福建按察僉事陳灝江西按
察僉事裴運雲南按察使姜滌陝西布政司左叅政
李賢禮部主事范敬先比流知縣李祥御史徐敬縣
丞曹賁俱為監察御史灝等先皆坐罪謫戍興州至
是有薦之者故悉召用○命故千戶趙才興子甫襲
陞金吾左衛指揮同知○壬辰夜有星如鷄子大青
白色有光出八穀西北行入天鉤

永樂三年十一月癸巳朔欽天監進永樂四年大統
歷

上御奉天殿受之頒賜諸王及文武群臣○暹羅國王
昭祿群膺哆羅諦刺遣使柰婆郎直事掎五十人來
朝貢方物賜之鈔幣○夜金星犯水星在箕度○甲
午冊營國威襄公郭英女為郢王揀妃左軍左都督
劉貞女妃伊王煥妃蒲州知州王綽女為永和王濟
娘妃○加封信安伯張輔為奉天靖難推誠宣力武
臣特進榮祿大夫柱國新城侯食祿千五百石子孫
世襲雜犯死罪已免二子免一死蓋

上嘗問淇國公丘福成國公朱能曰奉天靖難功臣皆
已報之衆議謂何二人對曰爵賞之頒皆極公當但
有過之無不及者惟張輔之對封衆心有所未愜蓋
其父之功已高使不死臣等今日當讓之况輔從征
之功亦多外人皆謂

陛下以皇親故抑之似有虧於公道

上曰卿言誠是遂命加封○遣都督徐膺緒禮部右侍
郎趙珰持節賫誥券詣肅封總兵官平羗將軍後軍
左都督宋晟為推誠輔運宣忠效力武臣特進榮祿
大夫柱國西寧侯後軍都督如故食祿千一百石子

孫世襲雜犯死罪本身免二死賜膺緒欵四十錠○
紅鈔三十錠○修廣東肇慶府四會縣鷓鴣水等處
堤岸○乙未齊王樽上表悔過謝罪賜書荅曰覽表
云繼今改過不敢復為不義詞意懇至深慰吾意弟
兄之情豈有他哉但欲相與同享富貴保令名永終
不隳耳吾弟免之今後護衛人犯法須如律處治若
非王府之人有犯須歸有司王府不得干預將來吾
弟所行皆善其樂不可言而兄亦與有保全骨肉之
美吾弟免之○陝西西安府三原等縣言連歲夏旱
所徵稅糧乞以麥豆折輸從之○丙申勅鎮守雲南

西平侯沐晟曰爾鎮雲南倚托甚重豈可輕動比令
爾調兵近老搨屯駐爾輒親行非朕意也勅至即還
爾又言欲發兵向安南朕方以布息信懷遠人為務
胡夸雖擾我邊境今已遣人詰問若能摠誠順命則
亦當私包荒之量○丁酉命浙江江西湖廣改造海
運船十有三艘○夜有星如盞大赤色有光出中天
雲中西北行○戊戌襄城北李濬卒濬和州人火事
上藩邸為燕山左護衛千戶

上初起義濬招募薊州永平壯勇數千人來附濬負氣
果敢毋戰奮勇而前塢上之戰率壯士突入敵陣衆

鼓譟之乘敵敗走小河猝遇敵率敢死是先掘河橋
斷其路敵不敢追大軍繼至遂大敗之以功累陞都
指揮使封襄城伯永樂元年鎮江西尋召還至是以
疾卒

上輟朝二日賜祭及賻命有司致喪葬○大原左前衛
總旗靖西京驢等以告謀叛得實陞百戶仍各賜銀
五十兩鈔百錠綵幣二表裏衣一襲○夜有星如蓋
大赤色光燭地出勾陳西北行一小星隨之○己亥
裁減湖廣岳州府臨湘縣縣丞主簿○庚子以施禮
為山東道監察御史禮洪武中嘗為河南布政司左

叅議坐事落職建文中舉為淮安知府復坐事謫成
邊至是有言其廉者遂召用之○遣書諭趙王高燧
曰朕居北京二十餘年每有邊報但令謹守地方未
嘗遣人輕出昔中山武寧王開國元勳亦惟嚴守邊
境防甚出入故無敗失今邊烽有警爾輒遣人出視
輕率不慎自今宜切戒之凡遇警急但令嚴固守備
勿輕出兵○辛丑勅武安侯鄭亨統率北京步騎三
千并水平立功官軍與宣府操備節制宣府萬全懷
安隆慶興諸衛○日本國王源道義遣使源通賢等
奉表貢為及方物并獻所獲倭寇嘗為邊害者

上嘉之命禮部宴賚其使遣鴻臚寺少卿潘賜內官王
進等賜王九章冕服鈔五千錠錢千五百緡織金文
綺紗羅絹三百七十八疋○乙巳撫按江西給事中
朱肇言先因九江南康二府多荒閒田今有司召致
各府縣有丁無田及丁多田少之民任便開懇今南
昌等府民自願開懇者三千七百八十七戶實懇田
千二百九十七頃三十七畝

上曰此未可遽信或肇虛增其數以希進用耳又當驗
之蓋肇為人輕妄刻薄其為此牟也威迫郡縣欺給
百姓以從之其實不過二千人歲餘逃士幾半皆如

上所料云○丙午灣泥國麻那惹加那乃遣使臣生何
列伯成等奉表貢方物命禮部宴勞之并賜文綺襲
衣○丁未夜月犯井宿西扇北第一星○戊申夜有
星如鷄子大青白色有尾跡出即將傍北行丈余發
光如碗大至近濁○己酉命故都指揮僉事王觀童
子忠襲金吾前衛指揮僉事○癸丑夜有星大如碗
光濁地出中天雲中西南行至雲中○甲寅冬至
上御奉天殿受朝賀大宴文武羣臣及四夷朝使命婦
朝

皇后于坤寧宮錫宴○遣駙馬都尉沐昕賜周王攜羊

百牽酒三百瓶○行人譚勝受等使旧港還以頭目
梁道明鄭伯可等來朝貢方物賜道明等襲衣及鈔
百五十錠文綺十二表裏絹七十疋○乙卯旌表江
陰衛餘丁徐佛保孝行佛保母病篤乙弗能痊而
剖脇封肝奠液以進母食之頃愈其衛官以聞遂有
事命○丙辰賜琉球國中山王世子完寧斯結及遼
東那兒河歸附友直野人頭目宴○建雲南大理銀
治命所司定額督辦○丁巳命金吾左衛故千戶靖
僧兒子興襲陞本衛指揮僉事○戊午賜谷王穗袞
服一襲○夜月紀酉咸南第一星○唐申命羽林前

衛故指揮同知師玉姪崇襲陞本衛指揮僉事潘成
子安襲陞本衛指揮同知位成兒子讓襲本衛指揮
僉事千戶抗貳子英李得姪英金吾左衛千戶胡改
僧子鄭梅安兒子受各襲陞本衛指揮同知王興子
致林友才子亨黎四子貴趙群兒子能林原子青金
吾右衛千戶革狗皮子勝脫譚子千家驢劉大子全
各襲陞本衛指揮僉事○十二月癸亥朔

上視牲南郊○遣使賁照封灣泥国脉那惹加那乃為
王給印誥敕符勘合并賜之錦綺絲幣○甲子免泗
州原陵戶單仲一等袒稅泗州

祖陵洪武初設守陵三百十四戶後有戶絕者至是以
仲一等補之而循例免租稅云○以辛彥博為山東
道監察御史彥博先任浙江按察使坐事謫戍興州
至是有言其才者復召用之○乙丑進封寧國公主
為寧國長公主○浚淮安府支家河長一萬一千九
百七十丈○戊辰鎮守雲南西平侯沐晟奏奉命率
師及車里諾宣慰兵至八百境內破其猛利石厓及
者答二寨又至整線寨木邦兵破其江下寺十余寨
八百恐懼遣人詣軍門陳詞伏罪臣等恪遵勅旨駐
兵不進其車里等宣尉擬各班師并以八百所陳詞

奏聞遂遣勅諭車里木邦宣尉使刁暹答波勒孟艮
等土官麻哈旦麻刺叱等曰曩者八百不恭朝命爾
等請奉兵誅加爾忠誠以從所請今得西平侯奏言
八百已伏罪納款夫有罪能悔宜赦宥之勅至爾等
悉止兵勾進又勅西平侯沐晟等班師○己巳賜周
王橐金識衮龍綵幣三十疋良馬十疋及羊酒等物
○夜金星犯壘壁陣西第三星○庚午臘日賜文武
群臣宴○那兒河野人頭目佟苦不花忽里哈頭目
亦称哥建州衛頭目王古驢等百二十三人來朝賜
銀鈿綵幣有差○辛未命戶部全給中軍都督同知

梅順昌孝陵衛指揮使梅永真旗手衛指揮使梅景福月俸米順昌等皆寧長公主之子

上憫其父駙馬都尉梅殷之死故優之○癸酉實授李攻為福建布政司左叅議攻洪武中署福建左叅議事建文時坐罪降蒲城縣丞丁母優去官至是服闋故實授舊職○裁減湖廣加魚縣縣丞主簿增置山東恩縣縣丞主簿○陞通判衛指揮使湯名為山東都指揮僉事○陞都指揮僉事劉清為遼東都指揮同知蕭授為都指揮同知指揮使徐良為都指揮僉事俱掌常山中護衛事宋成為都指揮僉事掌常山

右護衛事○以故金吾左衛指揮僉事完者不花子阿魯灰襲本衛指揮僉事○命遼東都指揮僉事楊義陝西都揮指同知彭成致仕○瓜哇國西王都馬板遣使阿烈安達加李奇等來朝貢方物皆賜冠帶襲衣○甘肅總兵官西寧侯宋晟言哈密國附頭目買柱察罕不花等二百七十八戶居苦峪里告飢乞以預備倉粟賑濟從之○用戍陞吏科右給事中孫璘為本科都給事中○疊州頭目谷外堅督等十人來朝賜鈔幣襲衣○毛憐等處野人頭目把兒遜等六十四人來朝命設毛憐衛以把兒遜等為指揮千

百戶等官并賜誥印冠帶襲衣及鈔幣有差○乙亥
勅廣西總兵官征南將軍都督同知韓觀曰今以都
督僉事黃中文左副將軍呂毅克右副將軍黃爾軍
事甘肅總兵官西寧侯宋晟奏欲遣人通問迤北鬼
力亦及馬兒哈咱等以宣示朝廷禮待遠人之意從
之仍給織金文綺綵縉四十疋以資其用○丁丑安
南胡查復遣阮景真等隨行人聶聰等來朝奏曰伏
蒙勅書論使摠誠臣對越天地敢有二心所式携二
明神殛之今遣陪臣阮景真等恭賀正旦旦迎還天
平臣亦當率國人逆於境上而行人聶聰等亦力言

查誠心恭命

上許之○庚辰勅安南王孫陳天平日前得胡查奏深
自改悔請迎還爾以君事之朕以一國不可二主慮
查不實再使許以上公封之大郡今查復秦誓
無二心仍真等迎爾查謂當躬迎於境上朕
惟道遣適從宜今遣廣西總兵都督黃中等
以兵五千納于國其治任以行○廣勅西總兵
官征南將軍都督同知韓觀左副將軍都督僉事黃
中右副將軍都督僉事呂毅今安南胡查遣使來迎
前國王孫陳天平歸國以君事之朕推誠待物茲特

遣還爾等選兵五千黃中呂毅將之待天平至送之
還國尤宜審度事幾以為進退不可輕忽○辛巳勅
鎮守大同江陰侯吳高寧夏總兵官左都督何福曰
近伯客帖木兒歹心都驢來言虜寇議舍甘肅來
春徑掠寧夏大同其言雖未可信然宜嚴兵待之所
渭有備則無患也又勅甘肅總兵官西寧侯宋晟曰
虜雖云不至甘肅然同類有在甘肅之間豈無與之
同心者且聲東嚮西兵家之常不可不備○壬午瓜
哇國東王孛令達哈遣使馬刺真等貢神鹿○乙酉
上謂兵部臣曰河州洮州西寧諸處與西番易馬朝廷

本推誠撫納遠人皆與好茶聞近時守邊頭目人等
多用惡謬茶欺之甚者侵損其財物彼雖淳厚不肯
陳告然心未必能平來年其遣金牌信符給西番為
驗使比對相同即納馬如洪武中例不可後期仍榜
諭邊地官民以朝廷懷遠之意今後馬至必與好茶
若復欺之令巡按監察御史來察以聞○都察院奏
奉命詳定原議筭杖徒流罪條例斟酌適中以聞今
議徒流罪發充恩軍者於長安左右門造守衛官軍
飯於漢趙二府牧馬不充軍者充國子監膳夫將軍
伴土工或於北京為民種田於遵化炒鉄或自買船

通運或擺站運鹽筭杖罪止鑄錢准工從之○丙戌
夜月犯罰星中星○戊子琉球國中山王武寧山南
王汪應祖山北王攀安知西番馬兒歲等簇四川貴
州有諸土官各遣人貢方物賀明年正旦○乙丑浙
江右叅政劉思中言紹興府魚娥填江沙淤塞難通
舟楫去填東三里許通江甚近乞移置為便從之○
庚寅夜有星如盞大青白色光濁地出天廩西行至
游氣○辛卯享

太廟○是歲天下戶九百六十八萬九千二百六十口
五千一百六十一萬八千五百賦稅糧三千一百一

十三萬九千三百九十三石布帛百三十二萬九千
五百七十九疋絲綿二十一萬三千五百六十三斤
綿花絨五十一萬四千一百一十三斤課鈔六百六
十萬七百二十錠金五十兩銀八萬二千一百四兩
銅二千四百三十斤鐵七萬五千七百二十斤鉛三
萬九千九百八十五斤硃砂二千八十兩海肥三十
三萬四千一百四十三索茶百七十七萬一千三百
四十九斤鹽百三十二萬九千五百七十五引屯田
子粒二千二百四十六萬七千七百石馬五萬八千
五百九十九匹

永樂四年春正月壬辰朔

上御奉天殿受朝賀大宴文武群臣及四夷朝使命婦朝

皇后子坤寧宮賜宴○甲午北京刑部并天下文武述職者凡千九百四十三人賜勅諭曰人君守成以出治人臣遵成法以輔治君明臣良上下協和乃臻治效朕自蒞作以求宵旰孳孳惟守

太祖高皇帝成法賞善罰惡進賢退不肖教誨不能使牧民者盡其牧民之道典兵者盡其典兵之職官無廢事人無失所而已其間能勤以集事庶以律已仁

以恤民公以治軍旅奉戒守法無所變易者朕已褒
賞之其有以怠廢事以貪悻尅以私滅公以苛刻厲
下亂政壞法無所顧忌者朕已黜罰之此豈朕所敢
私予奪賞罰一出至公爾等無以善惡為無驗禍福
為無稽天有顯道國有常憲爾等恪遵朕訓無怠無
驕永保真吉欽哉○朝鮮琉球諸國及各土官遣使
賀正旦者賜鈔幣有差遣還○鳳陽陵并中山武寧
王戚屬來朝者千九百余人各賜鈔遣還○夜火星
犯天陰下星○乙未設鎮道楊塘二安撫司隸雲南
都司其地屬西番與麗江府接境先是麗江通事木

節等徃招諭還其土酋阿密末吉等與俱來朝故設
二安撫司以阿密末吉等為安撫給以印章仍各置
流官吏目一員○給周府諸郡王校尉順陽祥符新
安永寧各吾典仗鎮平宜陽各三典仗○丙申河南
布政司奏南陽皂軍山草寇竊發

上渭兵部臣曰此雖小醜不治將大元來汝隸初亂財
教千人順帝恬不加意勅書至盧溝橋易之而返人
還與太子言亂太子欲言於上其妃迎止之所為如
此安得不亡此今日設鑒也夫治患於初萌則為力
易及其盛而治之則費力多有所傷不少矣遂命豐

城侯李彬新城侯張輔率兵捕之

上渭侍臣曰朕作閒暇援筆肆書愛其制作精嫂其

称人意因歎匠藝如也豈是生而能之亦事積學所

致今之學者不及古人政由自息之過前代大學君

子皆是積勤以造其極今人鹵莽厭煩用力未至便

渭求道之難譬之耕而不勤可望有獲乎○夜有星

大如鷄子青白色有光出平星東南行至游氣○丁

酉享

太廟○戊戌

上宴群臣於奉天門蠻夷酋長預宴者皆起舞称壽曰

臣等生居絕域習見僻陋今日獲覲天朝太早樂事

之盛臣死且有光

上曰朕為天下主使天下之人皆同享此樂朕之心也

衆歡呼稱萬歲○前安南王孫陳天平陛辭奏曰臣

亡國餘孽荷

陛下大德照育生成得反故國承已絕之宗復已失之

位是使亡醜再生朽骨更肉臣雖庸愚實切圖報尚

望

陛下天地父母曲垂恩顧終保餘齡臣生當損首死當

結草

上曰自古亡國出奔之軍如齊桓晉文皆內有主之故
反國而安今爾無主於內徒朕為主於外事之委曲
凡且朕心爾其明以燭微智以防患人以卹下寬以
容衆庶無後憂賜綺羅衣各二龍鈇一萬貫命廣西
叅政王麟送之勅封胡奎為煩化郡公盡食所屬州
縣遣其使阮景真等還○己亥勅寧夏總兵官左都
督何福領所部軍馬赴靈州操備○豐城侯李彬新
城侯張輔等往河南皂君山捕盜陞辭

上諭之曰盜本良民但為有司不能撫綏更加酷害始
衆為盜彼豈不愛其生蓋出於不得已汝往先遣人
招撫示以生路若能散歸農畝即是良民不必窮治
大抵官軍所至必累及無辜爾等此行當以保民為
重無重困之○六部都察院覆奏朝覲官其所治事
稽違者多請治其罪

上召至前諭之四爾等分理庶政勤慎則百事舉吉忽
則百事廢顧立志如何爾今諸司論爾等取事稽悞
皆由怠忽之過夫慢今棄法國有顯罰今姑宥爾其
歸改過自新若仍蹈前非朕不能曲法以貸遂勅也
謝辭即日出京○夜有星大如鷄子赤黃色有光出
五車北行至紫微西蕃外○庚子立春

上御奉天殿文武群臣行賀禮賜宴○壬寅琉球國進
闈者數人

上曰彼亦人子無罪而刑之何忍命禮部還之禮部臣
言還之慮阻遠人歸化之心請但賜勅止其再進

上曰諭之以空不若示之以實事今不遣還彼欲媚朕
必有繼踵而來者天地以生物為德帝王乃下絕人
類乎竟遂之○夜月犯井宿東扇北第二星○癸卯
命祥符王有燭新安王有燾永寧王有允汝陽王有
煽寇○瓜哇國西王都馬板遣使陳惟達等來朝貢
珍珠珊瑚空青等物賜之錢鈔錦幣○夜金星犯木

星○甲辰以大祀南郊

上御奉天殿文武群臣受誓戒○設四川天金六番招
討司乙季時招討高敬讓言其地瘴癘疾病者多乞
開設乙季降印授官又言土人鍾銘錯通乙藥乞命
為乙季官從之以名為典科○乙巳

上御武英殿覽存心錄顧翰林侍臣曰適覽慕容超郊
有異獸出壇側情場帝祀園丘暴風未成禮而退後
二人皆不旋踵而亡古人言惟德動天夫不得亦動
天喜則降祥不喜則降殃但各一類應之又○癸巳
時固當誠敬亦必平素累善行乃可獲福若平日所

行及道皆德而臨濟一時致其虔恭此豈有獲福之理○丁未大祀

天地于南郊

上還御奉天殿文武群臣行慶成禮○戊申以郊祀禮成大宴文武群臣及四夷朝使○浙江等道監察御史凌昌等言禮將適君所宿齊戒居外寢習容觀玉聲乃出其敬心之素不待入公門而後見也今隆平侯張信禮部尚書鄭賜爵列五等位在六卿不能隆敬以事君秉禮以率下當大祀

天地恭受誓成之晨使人持朝服至午門始具百官班列已齊方且逡巡後至傲然自得恬無敬謹之心宜加懲治以肅群僚

上曰國家大祀豈可不敬大臣如此何以表下命姑錄其過○己酉陞知縣党理為太僕寺少卿○遣使賫爾書褒諭曰本國王源道義先是對馬壹岐等島海寇劫掠居民勅道義捕之道義出師獲渠魁以獻而盡殲共黨類

上嘉其勤誠故有是命乃賜道義白金千兩織金皮諸色綵幣二百疋綺繡衣六十件銀茶壺三銀盆四及綺繡紗帳衾褥枕席器皿諸物并海舟二艘又封其

國之山曰壽安鎮國之山立碑其地

上親製文曰朕惟麗天而長久者日月之光華麗地而長久者山川之流峙麗於兩間而永久者賢人君子之令名也朕

皇考太祖聖神文武欽明啓運俊德成功統天

孝高皇帝智周八極而納天地於範圍道冠百王而旦古今之通紀恩施一視而溥民物之享加日月星辰無逆其行江河山岳無易其位賢人善俗萬國同風表表兩茲世固千百年之加會也朕承鴻業享有福慶極天所復減造在廷周爰咨詢深用加歎惟爾

日本國王源道義上天綏靖錫以賢智世守茲土冠于海東允為守禮義之國是故朝聘職貢無闕也慶謝之禮無闕也是猶四方之所同也至其恭敬栗栗如也純誠懇懇如也信義旦旦如也畏天事上之意愛身保國之心揚善遏惡之念始終無間愈至而猶若未至愈盡而猶若未盡油油如也源源如也爾者對馬一岐暨諸小島有盜潛伏時出寇掠爾源道義能服朕命咸珍滅之屹為保障誓心朝廷海東之國未有賢於日本者也朕嘗稽古唐虞世五長迪功渠搜即叙成周之隆擊微盧僕率遏亂畧光華簡冊傳

誦至今以爾道義方之是大有光於前哲者日本王之有源道義又自古以來未之有也朕惟繼唐虞之治舉封山之典特命日本之鎮號為壽安鎮國之山錫以明詩勒之真實榮示於千萬世銘曰日本有國鉅海東舟航密爾華夏通衣冠禮樂昭華風服御締繡考鼓鍾食有頂俎居有宮語言文字皆順從善俗殊異羯與戎萬年景運當時雍

皇考在天靈感通監觀海宇罔不恭爾源道義能迪功遠島微寇敢鞠訕鼠竊繩噉潛其蹤爾奉朕命搜捕窮如雷如電飛蒙衝絕港餘孽以火功焦流水上橫

復縱什什五五禽姦兇荷按屈肘衛鏃獻俘來廷口喁喁彤庭左右誇精忠顧咨大使疇勲庸有國鎮山宜錫封惟爾善於山增崇寵以銘詩真礪萬世照耀扶桑紅○置四川疊溪壽郎二長官司流官吏目各一員○周王捕奏比遣護衛指揮王興等領軍三千分道入皂君山搜捕逃亡請親往督視

上賜書諭之曰逃亡之徒三五相聚不過狗彘自全無能為也已勅有司及遣官軍追捕賢弟今欲率軍親行或下人生事擾民罪將何歸且千鈞之弩不為鼯鼠發機可即還國○韃靼蒲東兒灰等率衆來朝命

為都指揮指揮等賜冠帶誥勅及襲衣鈔幣有差
俾居涼州莊浪寧夏三衛仍各賜姓都指揮同知滿
東兒灰曰柴志成都指揮僉事阿兒剌台曰楊汝誠
涼州衛指揮同知猛哥曰安汝敬僉事脫脫曰楊必
敬只蘭曰吳克誠朶列干曰吳存敬莊浪衛指揮僉
事火失谷曰韓以謙祖住不花曰柴永謙寧夏衛指
揮使佰帖木兒曰柴志敬餘千戶衛鎮撫百戶等十
一人皆賜之○濤泥國使臣生阿烈伯成通事沙扮
等陞辭賜欵及文綺襲衣生阿烈伯成等言遠夷之
人仰慕中國衣冠禮儀乞冠帶還國

上嘉而賜之生阿烈伯王鍍金銀帶沙扮素銀帶○庚
戌陞刑科給事中劉端為左春坊右司直郎○阿速
江蘇木河失里綿等處頭目福利出者不者等五百
三十人來朝賜紗幣有差○辛亥賜周王擴綠帶○
壬子改前燕府廣有庫為北京承運庫置大使二員
隸北京行部○設白納長官司隸貴州宣慰司以上
人周敬為長官給印信并置流官吏目一員從貴州
宣慰使司所奏也○癸丑河南布政司獲皂君山首
賊并其家屬送至京且言初其母遣其姪繫之千家
而馳報官遂獲之

上曰其母與姪知大義宜免連坐但以賊首付獄治之
初皂君山寇盜竊發命豐城侯李彬新城侯張輔率
兵討捕仍令榜諭之但能即日解散者亦免罪軍還
本伍民復故業若仍又悛官軍禽獲俱亦謀反罪之
其中有能繫賊首送官則陞賞之及彬等至開封而
賊已被獲其衆潰散至是命彬等班師還京○丙辰
上御右順門晚朝百官奏事畢皆趨出

上詔六部尚書及近臣諭曰早朝四方所奏事多君臣
之間不得盡所言午後事簡卿等有所欲言可就從
容陳論毋以將晡朕倦於所納蓋朕有所欲言者亦

欲及此時與卿等商雄又曰朕每旦四鼓以興衣冠
靜坐是時神氣清爽則思四方之事緩急之宜必得
其當然後出付所司行之朝退未嘗輒入宮中間取
四方奏牘一一省覽其有邊報及水旱等事即付所
司施行宮中事亦多須俟外朝事畢方與處置閒暇
則取經史覽閱未嘗敢自暇逸誠慮天下之大庶務
之殷豈可須臾怠惰即百度弛矣卿等宜体朕此意
相與勸勵無厭敷也自今凡有事當商畧者皆於晚
朝來庶得盡委曲○丁巳工科都給事中姚伯善等
言工部尚書宋禮左侍郎趙毅右侍郎劉仲廉旧貯

教場庫內黃藤九十餘萬斤為軍索之用今隱而不報又請徵於民當治其罪前尚書黃福等亦當聚之上曰宋礼新除容或不知勿問余悉逮之○戊午夜火星犯月星○己未瓜哇國東王亨令達哈遣使馬里占等貢馬及方物賜錢鈔綰絲紗羅有差○播州宣慰使司宣慰使楊昇貴州宣慰使司宣慰使安卜葩遣人貢馬各四十疋俱賜白金綿綺○女直野人頭因哈成哈八秃卜花等五十人來朝置右城衛一哈成哈為指揮使餘為指揮同知僉事千百戶鎮撫又置可里踢千戶所以八秃卜花等為千百戶所鎮撫各賜誥印冠帶襲衣及鈔幣有差○湖廣山西山東等郡縣吏李懋等二百十四人言願為民北京命戶部給道里費遣之○庚申賜瓜哇國使臣及播州宣慰司雲南麗江軍民府等處朝貢使臣及女直野人頭目宴○辛酉命右軍都督僉事馬榮率舟師運糧往北京○改浙江道監察御史鍾永用為北京道監察御史擢沙縣知縣倪俊為兵科左給事中加魚縣知縣冉通為右給事中俱仍食正七品祿大同後衛經歷常忠為給事中○西域貢佛人声利禮部尚書鄭賜請因是寬釋罪囚

上曰帝王之治以刑賞為務有功不賞者罪不誅雖堯舜無以治天下梁武帝元順帝皆溺於佛有罪者不刑治法廢弛網紀大壞而至於敗亡此豈可效况佛亦有天堂地獄善惡報應之說用誘人為善爾儒者乃欲姑息為治耶○甘肅總兵官西寧侯宋晟言哈密中順王脫脫為其祖母速哥失禮所遂遂遣勅諭哈密大小頭目曰安克帖木兒死朕念一方之人無所統屬其姪脫脫久在朝侍衛朕撫之如子遂令襲封王爵仍回哈密承其宗祀撫按其人比聞其祖母以脫脫不能曲意奉承一旦逐出之然脫脫朝廷所立雖其有過不奏而擅逐之是慢朝廷老人昏耄任情率意不顧禮法如此爾大小頭目亦不知有朝廷故坐視所為而不言耶勝念此事初非出爾等本心故牧勅往諭爾等宜即歸脫脫俾復其位爾等盡心贊輔之善事祖母孝敬如初則爾哈密之人亦永享太平之福於無窮

二月壬戌朔擢國子監生彭進徐鑑方震林道顧賓竇承芳朱福王輔彭鑑劉煥黃員相都察院令史殷昶方巽並為監察御史○丙寅烏思藏怕木竹巴薩頂國師利吉刺思巴監藏巴里藏卜并必力工瓦國

師端竹監藏等各遣使貢方物賜賚有差○丁卯遣
官釋奠先師孔子○寧世子磐斌來朝命皇太子宴
之文華後殿其從官宴於西廡○尚師哈立麻遣人
獻佛像等物○夜月犯畢宿右股北第二星○戊辰
發

太社太稷○遣官祭先農○己巳禮部以會試天下舉
人奏請考試官

上命翰林院侍讀學士王達司經局洗馬兼翰林院編
修楊溥考試賜宴于禮部○實受李琦廣西道監察
御史琦初為倉州儒學訓導坐事謫戍雲南右衛建

文中以薦擢為御史陞大理寺右寺副坐事仍謫雲
南上書陳情召還假御史之職奉侍安南還奏稱旨
故實授之○裁省湖廣柳州宜章縣丞丞主簿○女
直野人頭目哈刺赤亦里伴哥肆拾伍十來朝置塔
山衛以塔刺赤等為指揮同知衛所鎮撫千百戶賜
誥印冠帶龍衣及鈔幣有差○庚午

皇后千秋節令命婦朝于坤寧宮錫宴○復建承天門
建文時門災

上初即位群臣請復建

上以民未蘇故緩而至是始建云○辛未命荔波縣民

覃敬信爲本縣知縣敬信先奉命招諭海村等七十
三洞徭首潘父長等至是籍其父同戶長等來朝遂
授敬信知縣賜冠帶龍衣鈔幣命專撫徭民○壬申
上以

太祖高皇帝御製嘉禾詩勒石裝潢成軸諸王及尚書
侍郎內閣學士侍讀侍講及國子監祭酒司業○以
鄒師顏爲河南道監察御史師顏初爲兵部主事陞
江西布政司左叅政坐事免至是有薦之至復召用
之○復設開平衛命兵部以有罪當戍邊者實之○
刑部侍郎劉孝荒言掌四川行都司事前軍都督僉

事程達擅調軍職竊弄威柄罪不可宥徵下獄○祭
酒女直野人頭目倒羅等貳拾壹年來朝置兀也吾
衛命倒羅爲指揮同知餘爲千百戶鎮撫賜誥印冠
帶龍衣及鈔幣有差○四川成都等府及貴播二宣
慰司有陽永寧二宣撫司奏官民田荒撫二千六百
七十餘頃乞蠲其租賦

上諭戶部臣曰田土荒撫皆緣人民彫耗所致若復徵
其租賦則彫耗愈甚荒蕪愈多矣何併其歲額除之
但人民蕃息則土地自闢稅自克矣○甲戌寧世子
磐斌辭歸宴如初至賜賚甚厚其從官賜鈔有差○

乙亥擢胙城縣典史郭純平陸縣典史傅衡永和縣典史汪瑜通道縣典史王纘繁昌縣典史車舒鳳林驛丞閻廣將軍驛丞覃珩為監察御史純等俱已考滿赴京選六科辦事以御史缺員故擢用之○命戶部運糧二万石料豆三千石往宣府○翰林院修撰徐旭卒旭饒州樂平人洪武乙丑進士授試監察御史安王府紀善累遷考功郎中與修

太祖高皇帝實錄陞國子監祭酒坐事改雲南布政司叅議未行

上以旭有文學改翰林院修撰命考禮部會試得暴疾卒於試院訃聞賜官及遣官賜祭旭為御史嘗陳時政六事居考功權衡人物無敢干以私者為人簡默方正寡所諧合而清甚不阿始終一志云○丙子書諭趙王高燧曰小旗孫成自虜中逸歸見鬼力赤何魯台也孫台向東南行其來寇掠邊境亦未可知爾速遣行馳報武安侯鄭亨等合堅壁清野以待自黑峪車房至魚臺嶺隘口可塞者塞之不可塞則鑿深壕以斷其路仍督兵屯田且守且耕寇來則相機用事爾居守北京一切邊務皆當究心○勅武侯城王王聰同安侯火真率將士往具和同武安侯鄭亨備

禦如虜侵邊鄭亨守城王聰火真領兵出擊○甘肅
總兵官西寧侯宋晟曰比聞鬼力赤阿魯台也孫台
等率衆東南行折而北既復南行如此一進一退或
者欲來剽掠宜訓練士馬堅固城池以俟毋爲虜所
乘○奴兒千衛頭目察罕等遣人朝貢賜之綵幣○
丁丑木倫河人頭目馬兒張等未朝置哈三哈喇哈
古賁河三千戶所馬兒張等爲千百戶賜誥印冠帶
龍衣及鈔幣有差○直隸應天太平鎮江揚州鳳陽
六府所轄五州二十九縣滁和二州全椒含山二縣
各增設州判官一員縣主簿一員專理馬政○戊寅

改燕山左燕山右燕山前濟陽濟州大興左通州七
衛俱爲親軍指揮使司○己卯

上命兵部凡軍官有罪謫戍邊立功者悉復其職因曰
玉有玷磨之可使瑩衣有垢濯之可使潔人性皆善
難難頹挫之後豈無悔過之意哉○夜有星如盞大
青白色有光出正北雲中西北行至近濁○庚辰旦
老人星見丁位其色光潤○辛巳賜館覓靈藏等處
使臣端竹藏卜等銀鈔絲幣龍衣○唐府長史程濟
韓府長史典簿魏居敬犯夜禁兵馬司請送法司特
命宥之於是吏部言在京各王府官坐食俸糧閒暇

無事多縱肆宜改用之

上曰王皆年少方資輔導其長史紀善教授伴讀之官不可闕若審理奉祀工正等官事閒暇者暫遣還鄉侍王之國召之於是韓潘安伊魯唐岷七府并靖江之輔國將軍共留長史紀善教授等官肆拾餘員審理等官壹百叁拾肆員遣歸俟命○寧國府宣城縣民言縣境內一十九圩近潦水衝決堤岸二千九百餘丈恐春水泛溢有妨農種乞預修築從之○壬午宜都王貴燂訃聞禮言王四歲而薨為下殤無輟朝賜祭加謚之禮

上曰免輟朝加謚仍遣官賜祭貴燂遼簡王第六子也○癸未勅諭八百大甸軍民宣慰使司宣慰使司招散日前以爾不公朝命咀遏使臣悖慢無禮遣使發兵索爾左右為惡之人且遇使者爾能伏罪即止兵勿進兵初入境爾遣人悔過請罪使者遵命回軍雲南勝念爾幼穉且念八百軍民皆勝赤子已悉宥不問繼今宜改心易慮上順天道毋懷懷詐以蹈前愆庶幾保王安民永享太平之福○夜金星犯天陰下星○甲申勅鎮守遼東保定侯孟善及遼東都指揮高得等曰欽天監奏今天像有兵占在邊境爾等切

宜慎防凡有遇寶文書及諸司文移必須詳審毋為
奸偽所欺其諸邊務尤須用心○嘉河等處女直野
人野頭目阿必察等百二十八人未朝貢馬命直加
河哈密幹南河三衛兀的罕千戶所以阿必察等為
指揮千百戶鎮撫賜告印冠帶龍衣及鈔幣有差○
乙酉命兵部以有罪當謫戍者實新設武清衛犯死
罪及逃軍令戍開平○丙戌禮部會試天下舉人中
式者朱晉等二百一十九人○江西南昌府豐城縣
民言縣境穆湖等處圩岸為水蕩決三千三百餘丈
乞發民修築從之○丁亥勅山西等都司指揮曰方
春時和邊民皆務耕種虜或乘時侵掠民不得尽力
畝宜嚴兵以備寇至則捕繫無事則歸也慎守疆
場訓練士卒且耕且戰爾其慎之○戊子木倫河韃
靼女直野人頭目卯不花等百八人未朝貢馬賜之
鈔幣己丑都察院左都御史陳瑛等言本院右僉都
御史俞士吉大理寺少卿袁復蘇州治水還未見
君復命先趨私家賣所重載布列盈庭且聞士吉等所
至貪受貨賂具有實跡大臣黷貨慢

君不可容恕命錦衣衛鞫之○唐寅女直野人頭目打
葉等七十人來朝命置塔魯木蘇溫河阿速江速平

江四衛以打葉等為指揮衛鎮撫千百戶等官賜誥
印冠帶龍衣鈇幣有差○夜有星大如盞青白色尾
跡有光出井宿西北行至遊氣

永樂四年三月辛卯朔

上視太學先是勅禮部臣曰勝惟孔子帝王之師帝王
為生民之主孔子立生民之道三綱五常之理治天
下大經大法皆孔子明之以教万世勝

皇考太祖高黃帝應君師億兆之任正中夏文明之統
復衣冠禮樂之舊度江之初首建孝校親視孔子御
筵講書守帝王之心法繼聖賢之道孝集其大成以

臻至治勝承鴻業惟成憲是遵今當躬詣太孝釋奠
先師以稱崇儒重道之意其合行禮儀禮部詳議以
聞禮部尚書鄭賜言宋制謁孔子服靴袍再拜

上曰見先師禮不可簡必服皮弁行四拜禮禮部進視
孝儀注前期百有司洒掃殿堂設御幄于大成門東
上南向設御座于彝倫堂至日孝官率諸生迎駕於
成賢街左駕至孝官及諸生俯伏叩頭具駕入靈星
門止於大成門外

上入御幄禮官入奏

請具皮弁服次請行礼遵引官導

上出御幄就御位百官各就位導引官導

上請盥洗位搯圭盥悅出圭詣酒尊所酌酒詣

先師神位前再拜百官皆再拜搯圭執事官跪進爵
上獻爵授執事官奠于神位前出圭再拜百官皆再拜
四配十哲兩廡如常儀導引官導

上入御幄易常弁服輿詣李李官率諸生先列于堂下
東西

上至彝倫堂升御座贊唱李官諸生行礼五拜叩頭東
西序立堂下三品以上及侍從官以次入堂東西序
立贊進講祭酒司業博士助教四人以次升堂由西

門入至堂中贊奉經案于御前礼部官奏請授經于
講官祭酒跪受賜講官坐乃以經置講案叩頭就西
南隅設几榻坐講賜大臣及翰林院詞臣坐皆叩頭
序坐于東西諸生圍立以叩講畢祭酒叩頭退就本
位司業博士助教各以次進講畢祭酒出堂門復立
贊唱有制官李諸生列班俱北面跪听宣諭五拜叩
頭禮畢李官率諸生出成賢街跪俟駕还是日

上親行釋奠礼命吏部尚書蹇義戶部尚書夏原吉翰
林院李士解縉祭酒胡儼分獻十哲兩廡畢

上御彝倫堂祭酒胡儼講尚書堯典司業張智講易泰

卦

上諭之曰六經聖人之道昭揭日星垂憲萬世朕與卿等皆免之遂命光祿寺賜百官茶○賜翰林李士兼右春坊大李士解縉等六員二品金織羅衣一各龍壬辰命工部修國子監

太祖高皇詔書碑亭○禮部奏請立視孝之碑

上親製其文曰朕惟帝王之興必首孝孝校之政以崇道德弘化教正人心成天下之才致天下之治庚虞三代之盛率由於茲後世之君其孝政或備或否是以治不古若也我

皇考聖神文武欽明啓運俊德成功統天大孝

高皇帝龍飛淮甸度江晉建學校親祀孔子曰引儒臣講論經義求古聖人之道身體力行既統有万方即詔府州縣皆立孝天下士子雲集京師復新作廟孝於鷄鳴山之陽親之教條頒布中外命天下增廣生員復其家府州縣皆用春秋有事孔子賜以樂舞德教廣被海外諸國及蠻夷酋長並遣子入孝教化之隆視古為盛朕續承大統恪遵成憲乃永樂四年三月朔躬詣廟廷喝先師孔子前期三日雨將事之夕露雲澄霽星緯昭明暨旦天宇穆清旭日鮮麗含采

于廟退即彝倫堂文武群臣咸侍左右師儒在席諸
生序列堂下命祭酒胡儼等以次講經成禮乃還夫
李以明道也道之體廣大光明配乎天地日月而其
實不離乎彝倫日用之間孔子明之上以承堯舜禹
湯文武之傳下以為後世植綱常開太平於無窮而
世之極其尊密之礼者非於孔子有所增益特以著
明其道之至大天下不可一日而無也惟我

皇考繼統帝王尊師孔子舉天下皆約之使由於斯道
是以治化之盛淪浹周偏薄海內外罔不向風慕義
朕景仰宏謨夙夜祇敬思惟繼承之遣不敢怠違爰

因視李謹叙述

皇考所以致隆治化之本碑子廟俾我子孫臣庶尚克
欽承於千万年○國子監祭酒胡儼等率李官監生
上表謝

車駕幸太李賜宴於奉天門仍賜儼及司業張智紵絲
羅衣人二龍李官王俊用等三十五員紵絲衣人一
龍監生朱縉等三千七十四人欵各五錠○遣使賚
詔封烏絲藏怕木竹巴吉刺思巴監藏巴里藏卜為
灌頂國師闡化王賜螭紐王印誥命仍賜白金五百
兩綺衣三龍錦衣五十疋絲絹百疋茶二百斤其所

隸頭目并必力工瓦國師六板的達律師鎖南藏卜
頒賜絲幣衣服有差○暹羅國王昭祿群庸哆羅諦
刺遣使柰必琉球國中山王武寧山南王汪應祖遣
其姪三吾良疊等來朝貢馬及方物各賜鈔幣武寧
遣送寨官子石達魯等六人入國子監受李各賜鈔
三十錠羅衣一龍并夏衣等物○癸巳冊中兵馬指
揮嚴敬女為魯王肇輝妃○夜有星大如盞青白色
光燭地出尤宿東北行至近濁○甲午設遼東開原
廣寧馬市二所初外夷以馬鬻於邊命有司善價易
之至是來者衆故設二市命十戶各納失里等主之

○廣東高州府信宜縣陸毫雲峒下水三山徭首盤
貴等來朝

上嘉其向化賜賚遣還仍賜有可免其贓賊役自今凡
黎獐苗獠來朝皆如之○乙未草陝西蘭州等衛挑
花寺九十閔○置摩雲嶺閔命蘭州衛分兵守之○
札科引奏都察院逮至嘉興縣知縣李鑑鑑叩頭言
臣誠有罪幸

陛下矜恕

上問鑑何罪左都御史陳瑛言鑑受命籍奸黨姚瑄瑄
弟亨當連坐而鑑不籍亨鑑言初奉都察院文止籍

瑄未有亨姓名

上曰罪至於籍不輕矣無上司之文雖當連坐而不籍亦是甚重之意知縣無罪其釋之○瓊州屬縣生黎峒首羅昱許志廣陳忠等十三人來朝初以生黎多未向化遣通州判劉銘賈勅詔撫至是向化者萬餘戶顯等從銘來朝且乞銘撫其眾

上從之授銘瓊州府知府專取撫黎仍授昱等知縣縣丞巡檢等官賜冠帶鈔幣遣還自是諸黎感悅相繼來歸矣丙申宿衛將軍奏京師偏街小巷多草屋往往失火延毀軍民之居乞下令悉易以瓦

上曰草屋遇風雨濕漏沮洳不何居豈其智不知用瓦之便顧力不足耳爾細人不通人情敢妄言遂斥之○戊戌夜有星大如鷄子青白色尾跡有光出紫微東蕃內西北行至雲中○庚子陞鴻臚寺序班哈只為本寺右寺丞哈只回鶻氏諳通西域言語文字故進用之辛丑遣揮指哈先千戶火兒忽答怱兒何忽來賫書諭韃靼可汗鬼力赤曰朕嗣天位撫天下體天心以為治惟欲万方有生之衆咸得其所今海內海外萬國之人悉已臣順安享太平嘗遣使致書可汗謂宜通好往來共為一家而可汗不悟拘我使

臣掠我邊境自阻聲教之外夫天下之所與孰能違
之天之所廢孰能舉之昔者天命宋主天下歷十餘
世天厭其德命元世祖皇帝代之元數世之後天又
厭之命我

太祖皇帝君主天下此皆天命豈人力之所能也不然
元之後世自愛猷識里達剌北徒以來至今可汗更
七主矣土地人民曾有增益毫末者否古稱順天者
昌逆天者亡况爾之重甲冑不離身弓刀不釋手東
遷西徙老者不得終其年少者不得安其居今數十
年矣是皆何罪也哉汗聰明特達宜敬天命卹民窮

還前所遣使者及掠去邊境之人相與和好且用寧
息爾衆同享太平之福願不備哉若果負倔強之性
天命人窮有所不顧必欲以兵一較勝負朕亦不得
獨以中國士馬精強長驅迅掃之勢恐非可汗所能
支也可汗其審度而行之綺二表裏徃致遠意

除廣西河池縣荒田租二千一百九十石有奇○壬
寅

上御奉天殿試禮部選中舉人朱璿等二百一十九人
制策曰朕承

皇考太祖高皇帝鴻業興圖之廣生齒之繁從古莫比

故窮髮之地咸為編戶雕題推髻悉化冠裳未雖如
而治慮未浹朕夙夜惟念期雍熙然十室之邑人人
教之且有弗及矧天下之大兆民之衆夫存神過化
不見其迹欲臻其極諒必有要不明諸心曷由達効
唐虞三代之治其未尚矣而漢唐宋之治由可指而
言之自變典樂教胄子而孝校典而漢唐宋之孝校
有因革其教化可得而聞自大司徒以鄉三物教万
民而科目舉而漢唐宋之科目有異同其名實可得
而議自小徒經土地而田制定而漢唐宋之田制有
也營其計畫可得而言自校人掌王馬之政而馬政

立而漢唐宋之畜牧有耗息其詳悉可得而數之數
者有宜於古而合於今若何施而以可幾治夫政不
稽古則不足以驗今事不究迹則無以見實諸生博
古以知今明體以適用陳其當否以著于篇毋泛毋
隱朕將親覽焉○永和壬濟煥來朝命皇太子宴之
○遣使命灵藏着思巴兒監藏為灵藏灌頂國師授
劄思目頭目撒力加監藏為朶甘衛行都司都指揮
使切祿奔薛兒加俱為都指揮同知各賜誥命龍衣
錦綺○命館覲宗巴幹即南哥巴截卜為館覲灌頂
國師龍吞頭目結失古加之子巴魯為龍吞衛指揮

使俱賜誥命銀幣○癸卯女直野人頭目速魯董哈
等未朝置吉河衛命速魯董哈為指揮同知餘為指
揮僉事鎮撫等官賜誥印冠帶龍衣及鈔幣有差○
乙巳

上御奉天殿閣奉人對策擢林環為第一賜環等二百
一十九人進士及第出身有差○丙午皇孫生賜名
瞻塔

皇太子第五子也○賜進士林環冠服銀帶余鈔各
伍錠俱賜宴于會同館命立進士題名碑于國子監
○上慮禮部下第舉人中式有遺才復親試之得文

李優等二十一人各賜冠帶簡周翰藍勗進學于翰
林院李弼為漢府伴讀王樂孟等十八人肄業于國
子監以俟後科○陞欽寶提舉司試提奉譚達吾武
昌縣知縣張光大為太僕寺丞○是日安南胡查劫
殺其前國王孫陳天平時鎮守廣西都督僉事黃中
等以兵五千護送天平至丘温查遣陪臣黃晦卿等
以療餼迎候及牛酒犒師晦卿及諸從者見天下皆
拜舞踊躍中問晦卿查不至何也曰安敢不致屬有
微疾已約嘉林奉迓矣中遣晦卿還促查且遣騎覘
之往來皆無所見而迎者壺漿相續於路中以為實

遂徑進度留隘維陵將至芹坵山路險峻林木叢密
軍行不得成列且遇雨潦忽伏發大呼劫天平遠近
相應鼓譟動山谷寇且十余萬中等亟整兵繫之寇
已斬絕橋道不得其賊帥遙拜且言曰邊夷不敢抗
大國犯王師緣天下實疎遠小人非陳氏親屬而敢
肆其巧僞以感

聖聽勞師旅死有余責今幸得而殺之以謝

天子吾王即當上表待罪天兵遠臨小國貧乏不足以
火淹從者中不得進引兵還時大理寺卿薛崑彼謫
在廣西中奉以輔行天下之被劫也崑在其中即自

經死崑陝州閩鄉人慷慨負志操有政治才嘗歷官
鎮江知府民皆德之○丁未

上御奉天殿進士林環寺上表謝恩○復置曲先衛時
安定衛指揮哈三散即思三即寺奏安定曲先二衛
俱洪武中置後為朵兒只巴所攻因併曲先入安定
居阿真之地比又為曲西番把禿侵擾不獲寧居乞
復設先衛旦請從治所從之以三即掌曲先衛事給
以印章從治藥王淮之地安定衛亦徙於昔兒丁之
地○湖廣右首縣言境內臨江萬石隄三百七十餘
丈當大江之衝間為洪水所決而臨境華華容安鄉

皆受其患乞先時修築從之○戊申戶部奏府等軍
衛千戶姚旺等率官軍漕運至河南遇暴風壞舟漂
溺糧萬三千三百七十餘石宜責其償且請付法司
治其不慎之罪

上曰倉猝風水之險非人力所及其宥之○夜有星大
如鷄子赤黃色尾跡有光出正南游氣中南行至游
氣○巳酉壽陽郡主薨訃聞賜祭命有司治喪葬主
晉恭王長女嫁儀賓康澄云○庚戌有言戌邊軍士
勞苦者

上歎曰宣府萬全具和諸衛皆臨邊土膏產未冬先寒

朕嘗親歷其地將士備禦有晝夜不解甲者勞苦特
甚今國家雖安然邊備未嘗弛宜視復裏官軍特加
之恩遂命禮部即遣人運欵賜之大小官軍人各五
錠以罪謫戍者不與仍令諭所司歲給冬夏布必先
時支給後時者罪之○辛亥陞施南散毛二長官司
為宣府司以覃添富為施南宣撫向万有覃攀鞍為副
副使覃有諒為毛散宣撫覃本良為同知黃琢為副
使于文義為僉事以其耒朝故也○復設龍譚安撫
司以田應虎為安撫黃朝端為同知向谷賢為僉事
時應虎等耒朝言其祖父自宋元耒俱為龍譚宣撫

洪武初官治如舊後因峒蠻作亂遂廢永樂二年併其地入散毛長官司應虎為散毛副長官龍潭距散毛甚遠乞復置龍潭安撫司以治夷民為便故有是命○癸丑擢第一甲進士林環為翰林院修撰陳全劉素為編修選第二甲第三甲進士文翰優等者江殷胡啓先孫迪張叔豫李岳潤陳孟潔張文選鄭復言曾春齡肖福曹閻盧永黃獻十三人改庶吉士翰林院脩書陳紀等二百三人賜勅獎勵早還鄉進學待用○甲寅命浙江福建廣東市舶提奉司凡外國朝貢使臣往來皆宴勞之○吏部言各衙門官員考

滿舊例以事繁簡為陞職等第在京衙門及在外府有田糧十五萬石州七萬石縣三萬石之上者或親臨王府都司布政司按察司并有軍馬守御路當駟道邊方衝要之處俱從繁例府田糧不及十五萬州不及七萬縣不及三萬石并僻靜之處俱從簡例其各都司衛所布政司按察司行太僕寺監運司鹽課提奉司煎鹽提奉司市舶提奉司茶馬司及各土官宣慰等衙門舊未有例今擬宣慰宣撫安撫招討長官司俱係土官衙門宜從簡例其餘俱從繁例從之○湖廣按察使周鼎僉事商惠有罪俱降福建市舶

提奉司副提奉○乙卯陞燕山右衛指揮同知陳清
為羽林右衛指揮使○丙辰進士陳紀等還鄉陛辭
上諭之曰為孝至以進士發身亦出乎等倫然道理無
窮古人至老務孝不厭今人苟遂一得即不復前進
故遠不建古汝等年富力強當立志遠大務進修非
獨成己之德將來國家亦得實才之用進士皆叩首
謝復諭之曰鄉里父兄所在不可一得輒生驕慢驕
慢凶德孔子於鄉黨恂恂似不能言汝曹勉之各賜
鈔五錠為道理費○丁巳設哈密衛給印信章以其
頭馬哈麻火者等為指揮千百戶鎮撫辜思誠哈只

馬哈麻為經歷周安為忠順王長史劉行為紀善以
輔脫脫復命脫脫凡部下頭目可為指揮千百戶鎮
撫者具名來聞受以戒○遣勅招諭海島流人曰爾
等本皆良民為有司雪害不得已逃移海島劫掠苟
活流離失業積有歲年天理良心未嘗泯滅思還故
鄉畏罪未敢朕比聞之良用惻然茲特遣人賫勅諭
爾凡前所犯悉經赦宥譬之春水渙然消釋宜即還
鄉復業毋懷疑慮以取後悔○戊午設湖廣高羅宣
撫司以土酋田大民為安撫譚思晟為固知成晟山
副使譚才為僉事先是大民言祖父田中敬等在元

之時任高羅宣撫司宣撫洪武初以民少革罷今與
思晟等招撫蠻民四百餘戶乞仍治置所從之而後
安撫司云○設湖廣木冊唐崔二長官司以田谷佐
為木冊長官崔神良譚汝朱副之覃忠孝為唐崔長
官黃晟暹秦俊副之初谷佐等父祖世為安撫等職
洪武四年大軍平蜀蠻民驚潰治所遂廢至是谷佐
等復招集蠻民三百餘戶來朝請建官府故有是命
○庚申戶部言晉府壽陽郡主歿其儀賓康澄歲祿
八百石宜減伴從之

永樂四年夏四月辛酉朔享

太廟○壬戌戶部引奏種樣田官軍言於令種樣田者
每歲終赴京較其所收多寡而賞罰之是數人者更
兩歲始至京雖較其所收當賞而違令過期官軍皆
當治罪

上曰收多者當賞其勤違令者當責其慢可通計兩歲
所收之數官軍並賞之若慢令不至非軍所得士惟
坐其官○癸亥擢進士汪淵李剛為兵給事中賈真
汪彥純鄭景耀潘懣羅洪為監察御史改浙江按察
司副使張勝為陝西按察使副使○甲子禮部言廣
西歲貢生員考不中式者二人於發卷官罰俸一年

提官當杖

上曰姑皆宥之侍郎楊砥等復言此定法也宥之無以于懲

上曰遠方之人漸化者淺教道未易行不可槩論夫立法雖有定論行法當量人情有定論則民知所守量人情則民用不量姑宥之生員遣歸進李再貢不中式一論為法○乙丑永和王濟煨餅歸宴如初四至四欽幣龍衣其從官賜鈔有差○陞鴻臚寺序班劉帖木兒不花為本寺丞以其諳通北虜語言文字故進用之○賜哈密忠順王長史周安錠九十錠紀善

劉行衛經歷辜恩誠鈔八十錠各絲幣一表裏衣一龍○丙寅陞羽林前衛指揮使王真為河南都指揮同知指揮同知錢聚為山東都指揮僉事金吾左衛指揮同知齊成為山西都指揮僉事胡順蘇斌俱為本衛指揮使千戶趙名善為本衛指揮僉事豹韜衛指揮同知劉廣徐州衛指揮同知于海俱為金吾左衛指揮使水軍右衛指揮同知田二為羽林前衛指揮使○丁卯鴻臚寺臣奏順天府老人三十余人謝優免稅糧

上曰耆老遠來不易光祿寺與酒食禮科與道理費即

遣歸復進諸老人諭之曰往者連年軍旅北方之民供給勞困朕未嘗忘之比歲農種如何民力稍復日否諸老人叩首仰賴

陛下洪恩蘇息調養漸復旧矣

上曰朕久居北京心念之屢欲來但念民力未復恐重困之今若等歸諭勉鄉人子弟勤力務本相勸為善毋為不善斯汝耆老之職復叩首謝

上顧侍臣曰今北方之民如人重病初起善調理之庶幾可安不然病將愈重朕所以夙夜拳拳○辛未保安王尚煜順陽王有烜來朝命皇太子宴之文華後

殿○鎮守廣西都督僉事黃中等奏安南胡查劫殺陳天平事

上大怒謂成國公朱能等曰曩爾小醜罪惡滔天猶敢潛伏奸謀肆毒如此朕推誠容納乃為所欺此而不誅兵則奚用能等皆曰逆賊罪大天地不容臣等請伏

天威一奉殄滅之

上遂決意興師○壬申朝鮮國王李芳遠遣陪臣僕眉壽等貢方物思南宣慰使司宣慰使田宗鼎貢馬賜鈔文綺有差○甲戌設刺次和瓦魯之革甸香羅四

長官司隸雲南寧水衛以土首張首為刺次和長官
阿苴為瓦魯之長官何措為革甸長官八非為香羅
長官各給印章并賜冠服銀帶綵幣時首等來朝貢
馬故有是命○刑部左侍郎金純言西平侯沐晟不
稟命于朝擅以籍設罪人婦女給配軍士男子安置
廣西馬牛給軍屯操大臣專擅如此漸不可長宜正
國典

上曰爾言固是然邊遠之事朕嘗一以付晟可勿問○
乙亥齊王搏遣賜次子長山王賢煥來朝且陳悔過
謝之罪之意又言欲躬詣京師面達其情賜搏書許

之丁丑

萬壽聖節

上御奉天殿受朝賀大宴文武群臣及四夷朝使命婦
朝

皇后于坤寧宮賜宴○戊寅

上諭戶部臣曰朕念北京數郡之民比年軍旅困於供
給故特免租稅以優之其耆老近日多有未謝恩者
今春作方兵老人正當勸督子弟勤力田畝不宜妨
其所務况衰倦之人豈堪跋涉遠道即檄諸郡止之
戶部言下人受恩感戴出乎中誠恐雖止不從

上曰朕心在實惠及民不務虛文勞民其止之○命兵部給泰府具平永壽二郡王各典仗一員校尉一百餘名今後給郡王典仗校尉悉循此例○孟設連長官司時孟連頭目刀泝送遣子壤罕未言孟連舊屬麓州川平面宣慰司後隸孟定府而孟定知府刀名扛亦故平緬頭目素與同侪難隸管屬乞改隸遂設長官司隸雲南都司命刀泝送為長官賜冠帶印章車里木邦麓川等處宣慰使乃暹峇等遣頭目刀松峇等貢馬賜刀暹峇等銀鈔錦綺紗羅有差金識羅衣各一龍而賜刀松峇等鈔幣刀暹峇復遣子刀典

請受李國子監初朝廷出師徵八百先江軍民府遣人助給餽運抵車里之境悉為其守者但過時刀暹峇征從八百不預但過事然懼為元江所搆故遣典假受李之名為質冀朝廷不疑之

上識其意諭禮部臣曰質子衰世之事朕推誠待人不以此也進典諭之曰尔遠來求李固是美意然使尔父母旦夕惓惓萬里之外朕所不忍夫學之大者為忠與孝尔滯善事父母常存心上忠朝廷下邨一境之人即此是孝且歸與尔父尔敬事朝廷之心朕所深知但保終如始決非他人所能間也遂賜典衣服

鈔幣命禮部俾隨其貢使同歸○己卯命札部遣使購求遺書

上視朝之暇輒御便殿閱書史或召翰林儒臣講論嘗問文淵各經史子集皆備否學士解縉對曰經史租備子集尚多闕

上曰士人家稍有餘資皆欲積書况於朝廷可闕乎遂召禮部尚書鄭賜令擇通知典籍者四出購求遺書且曰書籍不可較價直惟所欲與之庶奇書可得又顧縉等曰置書不難須常覽閱乃有益凡人積金玉皆欲遺子孫朕積書亦遺於子孫金玉之利有限書

籍之利豈有窮也○陞雲南鎮沅州為鎮沅府命土官知州刀平為知府置經歷知事二員時刀平從征八百有功故也○庚辰遣使賜周王橐端午節物○錦衣衛奏民有於外國使人交通者宜執付法司治如律

上問其實對也以氈衫市之而與之交言甚久

上曰釋之錦衣衛復言壇衫於物雖惟交通於法難宥上曰立法以禁奸過輕則民慢用法在体情過重則民急彼小人治生富則以錢易物貧則以物易錢交議價直豈一言可決彼何知國法其釋之既而

上謂侍臣曰茲事忽於听察則愚以一氊衫而獲罪矣
侍臣曰古稱視不為惡色所蔽為明听不為奸人所
欺為听政是至听之下自不能欺

上曰古人言听思聰聰作謀誠非持敬不能盖心不存
雖听不聞听不聰雖謀不獲○辛巳周世子有燬妃
呂氏薨訃聞賜祭命工部給明器儀仗有司營葬喪
○壬午長山王賢焮保安王尚煜順陽王有烜辭歸
宴如初至各賜欵及文綺龍衣其從官亦賜欵有差
○癸未陞永寧州為永寧府仍隸雲南布政使司土
官知州各及吉八合為知府盖家其能修職貢也○

上視朝罷御右順門召成國公朱能新城侯張輔謂之
曰安南黎賊罪大惡極天地所不容今命尔等將兵
討之尔等由廣西入西平侯由雲南入度用師幾何
能等曰臣聞仁不可為衆也盖仁義之師天下無敵
陛下以至仁伐至不仁臣等奉揚
天威當一服掃滅師之多寡惟

上所命

上壯之○甲申勅鎮守雲南西平侯沐晟曰比遣都督
黃中等送安南王孫陳天平還國中等不遵朕言輕
視黎賊率意而進以至辱國今兵師南伐勅四川等

都司選卒七万并勅蜀王於城都三護衛選卒五千
听尔調遣大軍合用粮儲須預為會計從便規畫輸
運不可後期賜成白金五百兩○遣翰林院侍讀魯
日章賫勅諭西平侯沐晟日章陛辭

上曰朕所欲告晟者具載於勅尔以朕言諭之故黔寧
王感

高皇帝厚恩盡心竭力功在社稷名垂竹帛尔今日受
國家之寄非輕為子而能繼父之功業孝莫大焉為
臣而能廣君之謀敵忠莫大焉如苟足於目前必無
遠大之意周慮於事外必建奇偉之功恃一己之能

易盡集衆人之智無窮其必勉之○勅蜀王椿於三
護衛選馬步軍五千雲南貴州四川都指揮使司選
馬步軍七萬俱隸西平侯沐晟就雲南操棟聽征○
都察院左都御史陳瑛言監察御史車舒怠惰不事
事情繩以法

上曰舒諭曰朝廷擢尔憲紀之職尔日所治何事試言
之舒不能對又問人謂尔都不事事惟嗜安佚信有
之乎又無以對遂謫戍邊顧謂瑛曰御史當用清謹
介直之士清則無私謹則無忽介直則敢言不能是
者悉出之又諭吏部尚書蹇意曰御史將以警肅百

僚苟非其人不可輕授曰豈但御史百司大小之職
皆須擇人庶不瘵官廢事○乙丑改河南布政司右
叅議邢政為廣東左叅議河南道察監御史華嵩於
北京道陞前米脂縣知縣杜濬為湖廣按察司僉事
廣西布政司左布政使儲顯坐科欽降廣東左叅議
○兀者衛指揮鎖失哈遣男何速哈卒女直頭目來
朝命阿速哈等二十人為千百戶衛所鎮撫賜鈔幣
有差○丙戌夜有星如鷄子大赤色有尾光燭地出
天市東垣東北行入天津○丁亥賜雲南木邦孟定
灣甸孟連麓州元江土官頭目哈密忠順王脫脫
使臣西番土真兀者為野人女直宴○戊子遣寧府
土官知府吉八合等賫勅往大西番撫諭其土酋人
等○瓊州府瓊山臨高諸縣生黎峒首王罰鍾異王
琳等來朝命罰等為主簿巡檢賜冠帶鈔幣○己丑
肅王瑛長子賜名瞻焯○錦衣衛校尉有許朝臣謗
毀時政之失者

上曰此必誣之蓋朝廷未嘗行此政彼安得有此言命
錦衣衛詰之果挾私忿誣之

上曰人生聽言之際豈可不審向若不察付之法司則
死誹謗必矣小人敢誣君子此風不可長命以校尉

付法司論如律

永樂四年五月庚寅朔

上召三法司官諭之曰朕屢命尔等決獄貴在明而無滯明則有罪不與無罪者同免滯則無罪將與有罪者同困前日見刑部引奏遼東衛官縱軍士往高麗者一指揮專理也因未嘗與之而一槩逮繫久不疏決至於病危假令病境不治此人何罪即是尔等往殺之司理之取重民命為本輔君之道施仁政為務尔等任大臣掌邦憲而急急若此今天氣已熱除○犯斬絞罪繫之其徒流以下皆令知在聽發遣庶幾

瘦死無及於輕罪○勅浙江福建江西廣東廣西湖廣都指揮使司調軍八萬往廣西聽征○陞府軍左衛指揮僉事沐昂為雲南都指揮同知昂黔寧昭靖王瑛季子西平侯晟之弟蓋以雲南不忘黔寧之德西晟將有他命故進用之○金星犯五諸侯南第一星○辛卯賜尚師哈立麻臣及瓜哇國琉球國使臣遼東者下林河來朝女直野人頭目宴○徐湖廣道州寧遠縣荒田一十九頃六十餘畝租稅○夜有星大如鷄子赤色尾跡有光出七公流丈餘發光如蓋大東行至游氣○壬辰

上諭兵部尚書金忠等曰

皇考之世官寺無敢於外廷交接昨有一人以私財寓外人此雖細事漸不可長隨已罪之亦勅各衙門衛士於出入之際遵舊制嚴搜檢失防惠譬如防疾始萌而治之則用力少而場效痼而後治則用力多而難勝矣○增置江西星子德安二縣縣丞主簿○癸巳唐平經長子生賜名瓊煙○甲午端午節賜文武群臣宴○乙未改浙江布政司右布政使張格於河南陞吏部主事蓋禎為雲南布政司左叅政擢莊浪縣知縣顧佐為福建道監察御史○溧水縣言水決

儀鳳鳳賢等鄉圩岸妨民耕種請用民丁修築從之

○丁酉命札部鑄征夷將軍印○都督程達有罪

上特宥之命隨西平侯沐晟立功自贖遂勅晟曰都督程達犯罪今惜其才特宥之使從尔立功盖其才定當一面其餘文武官罪有發立功者各量罪之輕重察才之高下而用之當其才成功可必既而顧侍臣曰君人之道犯極惡則不宥有小善則不欺人孰無過論小過而廢大善則為善者急亦孰無才若錄小才而免大惡則為惡者肆故惡之難容者乃不論其才才可有有用者乃可畧其過如此則善善惡惡皆不

失矣。○遣忽都帖木兒答剌罕賈勅諭鬼力赤部下
何魯台曰：曩者丑閭回具京，爾聰明識天命，有歸誠
之心，近忽都帖木兒至，又言爾母子同心，歸誠有加，
無替自古名世之臣，懷先見之明者，能審時宜，識去
就如王陵、陳平去楚，歸漢，尉遲恭、李靖合隋，歸唐，曹
彬、潘美委身事宋，此數人者，皆知天命，去留之幾，是
以功成名遂，福及孫子，况爾明達，不下古人，既知天
命所在，則當決之，或遣爾子來見，或率部屬同來，聽
擇善地，以處，崇膺王爵，世守其地，傳之子孫，永永無
窮，蓋趨吉避凶，就安去危，在此一奉，且難易得失者，

時幾也。時幾一失，他日進退兩難，雖悔莫追，爾宜審
之。賜何魯台織金文綺二端。○戶部言直隸常州安
慶、廬州及六安等州縣水民飢，命給米，稻賑之。凡給
九萬六千七百五十石。○戊戌，別失八里沙迷查于
遣使來朝，貢馬，賜其使者鈔幣，命禮部宴勞之。遂遣
鴻臚寺丞劉帖木兒等賚勅及絲幣，往勞沙米查干。
令與其使者偕行，并賜所過哈刺火州土魯番、柳陳
三城王子哈散等絲幣。○前軍都督僉事馬瑛有罪，
降百戶。○辛丑，河南都指揮同知徐政。○有罪，謫從
征安南，立功，自劾。壬寅，命戶部內外將士從征安南。

者其俸皆給全米○復廣西布政司左布政使儲顯
左叅政蘇恭則官初二人坐累顯降左叅議恭則降
戶部員外郎至是以用兵安南供給多出廣西有言
顯等幹濟者故復其舊職去○甲辰勅廣總兵官都
督同知韓觀今大軍征討黎賊合用糧餉已勅戶部
先撥二十萬石爾即與廣西都司布政司規畫調發
軍民運赴順便去處貯之俟大軍至調帶前去餘令
土兵隨軍饋運○勅鎮江蘇州鎮海金山建陽新安
九江儀真高郵淮安安慶六安滁壽泗揚邳徐廬宣
二十衛精選馬步軍一萬往廣西聽征安南○命大
理寺卿陳洽赴廣西計議軍事以都督黃中呂毅前
赴陳天平失律徵赴京○陞山西都指揮僉事蔣盛
山西行都司都指揮僉事趙禮浙江都指揮僉事李
晟山東都指揮僉事王弼俱為本司都指揮同知金
吾右衛指揮使李名為河南都指揮僉事劉福為陝
西都指揮僉事劉得成為山西都指揮僉事祝青為
大寧都指揮僉事王觀為遼東都指揮僉事金吾右
衛指揮同知張士道蘇良為本衛指揮使指揮僉事
劉士中千戶鄒義揚林俱為本衛指揮同知金吾左
衛指揮同知陳青張榮為本衛指揮使百戶何狗兒

為本衛指揮僉事皆以平內難功復陞云○給事中
周讓等使小古刺等處還賜欵丈綺襲衣○乙巳賜
周王櫛織金袞龍袍三匹織金鳶鳳鞠衣材二匹素
暗花欵十三匹高麗布二十匹模絲布十匹○丙午
上以雲南車里諸宣慰使司并孟定灣甸等州府每歲
貢道里險遠令自古三年一貢著為令如慶賀謝恩
之類不拘比例○車里宣慰司宣慰使刀暹峇遣姪
刀鳩男刀者刀板等貢方物詔賜之暹峇錦六段貯
絲紗羅各二十匹并以貯絲羅各九匹賜其妻復以
刀暹峇徒征八百有勞遣使賞勅襲諭別賜白金五
十兩有錦二段貯絲八表裏賜其頭目攬線思以下
紵絲貯絲表裏有差○丁未陞肇慶府同知周南為
四川按察司副使○賜安南歸附人裴伯耆冠帶命
隨大軍南征○復設司牧局○戊申秦王尚炳未朝
命皇太子宴之文華後殿其從官殿于西廡○己酉遣
使賜周王櫛欵六萬錠楚王楨二萬錠○改四斤潼
川州華池等三井都成府羅泉等五井重慶府都山
井鹽欵司俱隸四川鹽課提舉之司○唐成齊王搏
至京師先是搏結無賴養刺客私僭帝號及為呪咀
魘鎮等有屢有告之者察之皆有微驗

上不忍罪之但賜壽諭令改行施是搏請入朝面謝既
至廷臣文章刻奏搏罪不當宥壽厲聲曰奸臣又欲
喋喋效建文特殺我耶會當蓋斷此輩

上聞之不懌曰此其心可知已命罷去其隨侍護衛及
長使等官處之京師○勅山東都司布政司察按司
革青州中左二護衛及齊府長師司儀衛司官軍校
尉分調赴近衛所犯凡王府監繫及拘留造作一應
之人皆釋之○辛亥以秦王尚炳將歸

上召其從臣諭之曰王前在國中言動時有錯謬朕遣
書誡之頗聞克自省改在國見王應對進退循循合
度甚適朕意此皆尔等輔導之力長史以下皆叩首
曰比由天美之資克奉

陛下聖諭臣等庸愚實無所効力

上曰美玉非資良工不適為器嘉木非得良匠不適為
材人之成德亦然尔等宜益盡心輔王雖小過必規
正之雖小德必助成之謂尔過無害馴至於大過謂
小德無益馴至於無德不可因循但和平以導之從
容以入之積以成意未有不相信者王修善行汝曹
亦有令名其往勉之命賜紗衣人衣襲道里費視常
例加倍○修靈火寺○壬子四川馬湖府土官知府

安本寺耒朝貢馬賜之鈔幣○甲寅秦王尚炳辭歸
宴如初至賜之白金鈔幣○置北京盧能衛經歷司
經歷一員○丙辰命兵仗局造統一萬七百箭十有
二萬伍千備禦邊之用○吏部尚書無詹事府蹇義
等引奏齊府教授葉坦等三人謂齊王所為不道垣
等不能輔導為善匡其過宜寘於法

上曰齊王凶悖出於天性如暴虎雖檻之不馴曲木雖
揉之不直皆惟然也中人以上聞善則從不愚之資
雖教不善齊王朕弟於情至親按於難危困苦之中
而納諸富貴安樂之地恩亦不薄及聞其所為之非

誠心以告之溫辭以戒之反復諄切至於六七尚無
一毫聽納之義况肯從其下人之言乎刑法之施危
惡者不使倖免無惡者不以妄加庶幾有所勸懲前
日齊府僚屬從王耒京者朕以察其奸邪數人寘之
於法垣皆先自歸朝廷陳告毋一槩諭之○寧夏摠
兵官左都督何福奏陝西神木縣在綏德耒之外七
百餘里蓋極邊衝要之地虜之所常窺伺者洪武中
每歲何凍調綏德衛官軍一千往戍後設東勝衛又
在神木之外遂罷神木戍兵東勝衛卒調永平遵化
神木雖如舊戍守然兵少不足以制寇且縣治在地

四山高峻冠至憑高射城中難為捍禦縣城東山有
古城頗險峻且城隍堅完請移縣治於彼益兵戍守
為便

上從其言命於綏德衛再調一千戶所往戍守○丁巳
哈密中順王脫脫祖母速哥失里及頭目各遣人謝
罪言脫脫已復王位脫脫亦遣倍臣謝恩

上命遣使賫勅戒諭之○雲南騰衝守禦千戶所千戶
孟景賢等自大右刺還土酋潑的那浪遣頭目選馬
撒等偕耒貢方物初中官楊瑄與景賢等賫詔往撫
諭之潑的那浪見使者不下拜瑄等曰

大明天子遣使撫諭四夷爾迎詔使不拜何也潑的那
浪怒曰申處此土知受拜而已焉知拜人遂徒置瑄
等南難河拘留不遣瑄等亦不屈其左右言潑的那
浪曰中國使臣以恤我耒乃情之我之不直如中國
舉雲南全師以向我譬以鐵搥擊鷄卵能膺其鋒乎
潑的那浪懼乃禮謝使者先遣頭目選馬撒等隨景
賢朝貢繼遣頭目獨金不刺等護送瑄等還且貢方
物謝過而大古刺所屬諸酋長皆遣使朝貢○戊午
陞金吾左衛千戶劉良為本衛指揮同知○先是有
告故駙馬都尉富陽侯李讓家人中盜虛買實收者

上命付錦衣衛鞠之錦衣衛覆奏告者不實

上命六科給事中中孫琳等共審之曰毋加榜笞務得實請既而琳等還白詰得富陽侯家人實賄錦衣衛官

上命富陽侯之子朕孫敦敢誣之朕但慮錦衣衛故抑告初不慮其納賄命赴都察院鞠之於是侯之子懇謝過丐免

上曰法度與天下共之豈為私親廢爾曹政當奉法保恩豈可恃恩撓法夫欺謾以苟利與賄賂以逃刑雖爾曹亦不可得免况尔家人乎遂召都察院臣諭曰

宥罪可施於踈賤而貴近不可僥免行法度必先於貴近則踈賤可以知警富陽侯家人其治之如律

六月己未己未朔日有食之是日陰云不見礼部尚書鄭賜言此

聖德所感召請明日率百官表賀

上曰正朕恐懼修省之際何可賀對曰宋盛時有行之者矣

上曰於此一方陰雲不見天下之大他虜見多矣且陰陽家言日食而陰陽不見者水將為災以此言之可賀乎乃止○

庚申詔各處安撫司首領官皆是定為吏目時吏部
言取掌內安撫司俱從五品設首領官知事一員而
洪武中有設吏目者奏請定制故有是命○吏科都
給事中黃耕終母喪來朝改禮科給事中○

辛酉工部言湖廣荊州廣濟縣武穴等處江岸為水
衝決宜發民修築從之○北京刑部尚書黃福左侍
郎張思恭有罪謫為辦事官命值成國公朱能等立
功○壬戌長河西哈薩鐵寺烏思藏敕麻領卜赤剗
思巴囉鄂思等來朝貢馬賜之鈔幣○癸亥置湖廣
容美忠建施南散毛四宣撫司經歷知事各一員龍

潭忠峒高羅三安撫司唐崖木丹并云南刺及次和
瓦魯之革甸香羅孟連七長官司流官吏目各一員
○設臨安府部舊村箐口關二處巡檢司一甲子

上謂諸近臣曰早來在宮中偶忘一事問左右比不能
記憶蓋沉思久而後得之朕以一人之智慮萬幾之
繁豈能一一記憶不忘一一處置不誤拾遺補過近
待之戒自今事之叢脞者尔等當悉記之以備顧問
所行有未合理亦當直諫朕自起兵以來未嘗違忤
直言尔等慎勿有所顧避○乙丑勅廣西總兵官都
督同知韓觀大理寺卿陳洽於廣西各土官衙門選

土軍三万以九月初十日會太平府聽征仍令觀等
詢察安南賊中動靜以聞○丙寅以齊王搏所不軌
事遣書諭諸王○南陽府獻瑞麥有兩歧至五歧者
上語礼部臣曰此郡縣屢奏祥瑞獨此為豐年之兆若
年穀登民足衣食老少無凍綏之患皆

天地祖宗之賜矣命薦之

宗廟○戊辰賜谷王摠鈔三十匹高麗時樂布各五十
匹○周王橛生日遣使賜紵絲紵各二十匹綵絹四
十足紵万疋馬十匹及羅怕金扇等物○勅湖廣浙
江福建都指揮使司增撥軍士一万五千福建浙江

屬衛仍選精壯韃軍令韃官統領俱赴廣西聽征○
寧夏勅摠兵官左都督何福曰漠北脫歸人郭大都
等至京言虜侯冬欲南山圓來孳牧尔宜言固边防
待九月盡令郭大都為鄉道遣精騎出塞覘之○設
雲南鎮州儒學正訓導各一員○裁省直隸池州府
東流縣丞縣主簿○庚午夜月犯罰星下星○辛未
命礼部申禁入朝行私揖礼○日本國王源道義遣
使圭蜜等貢名馬方物謝賜冕服恩賜錢鈔綵幣○
癸酉以靖内難功賜各都指揮指揮誥命并封贈其
祖父母父母妻

上諭之曰尔等今日厚祿顯官雖出己之勤勞亦必由
祖父母善德所致故朝廷推恩必及尔祖父母尔等
得蒙此恩當思謹守礼法以保祿位不辱於父母然
後可矣為良臣可以為孝子順孫凡人富貴得之難
保之尤難不可怠縱皆叩守謝○貴州宣慰司宣慰
使宋斌遣弟震貢馬賜斌及震鈔幣○甲戌勅山東
都指揮使司前命將青州二護衛及儀衛司軍校分
調各謂今可精選一千名遣官統領赴京隨總兵官
南征○高州肇慶二府屬縣天黃大帽曹連茶峒石
栗諸山徃首趙弟二盤貴等率眾來朝先是化州吏

馮原秦陳志寬言天黃諸山徃人素未歸順今有嚮
化之心遂遣人賫勅同原秦等往撫諭之弟至之二
等籍其屬二千五百餘戶凡七千五百餘口來朝賜
鈔幣襲衣命原秦為瀧水縣丞志寬為信宜縣主簿
專撫諸徃○丙子置四川益井衛馬勒長官司流官
吏目一員廣東布政司奏每歲海外番復入貢方物
水踏以舟楫運載惟南雄至南安限隔梅嶺舟楫不
通自今請用民力接用○

上曰為君務養民今番貢無定欺而農民少暇日假令
自春至秋番夷入貢不絕皆欲民接運豈不妨其農

事自今番夷入貢如值農務之時其方物並無南雄
收貯俟十一月農隙却令運赴安著為令復領復寺
臣曰民不失其養雖勞之鮮怨民失所養雖休之不
德○戊寅戶部言陝西靜寧平涼華亭隆德庄狼延
川等縣州民饑命速發官稟賑之○己卯戶部言河
南嵩溫等四縣民水缺種糧命給貸之凡一千七百
五十九石○庚民修浚湖廣永定衛大庸千戶城
池○壬午大古刺等處土酋潑的那浪祈遣使臣選
馬撒等言其隣境有七日大古刺小古刺抵馬撒茶
山底拔孟倫八家塔皆在西南極邊自昔不適中國

今天朝遣官選布恩命人民皆顧內屬乞設官統理
仍招諭勞近米附之民從之以大古刺底馬撒一處
地廣各置宣慰使司小古刺茶山底拔孟倫八家塔
各置長官司以潑的那浪為大古刺宣慰使臘罔怕
為底馬撒宣慰使拜張卑張者伽立昧力罕替力輕
罕為小古刺等長官司長官俱給誥印刺符金字字
紅牌遣給事中周讓等賫勅往賜之仍各賜鈔幣有
差○甲辰遣官祭中雷○乙酉復北京刑部尚書黃
福左侍郎張恩恭官命福隨成國王朱能等理公務
息公還北京○丙戌雲南寧遠州土官知州刀吉罕

威遠州知州刁筭黨各遣使貢馬謝恩命禮部賜刀
吉罕等鈔絲鈔羅及金織紵絲衣仍命宴賞其使○
丁亥修南海廟○先是命平江伯陳瑄督海運指天
津衛所却海角必約日同發不得先後違者治本舟
部運官罪至是瑄遣人奏三十餘艘為約五日方行
雖同日俱達亦無所損然違同發之約應罪各舟部
運官以戒後來

上曰姑宥之顧侍臣曰始慮海寇為忠故勅令同發今
已濟而無損違約當懲然海道甚難其功可以贖過
矣凡用人者緣功而畧過則人奮於功若計過而畧
功則救過之不暇何暇懋功哉○刑科都給事中張
信等劾奏都督僉事黃中呂毅率師失律宜正典刑
上命姑貸其死俾立功以贖

永樂四年秋七月朔享

太廟

上還御奉天殿遣使祭告嶽鎮海瀆之神曰安南賊臣
黎季犛及子蒼屢弑國王穢夷其宗篡奪其國改易
姓名僭稱位號暴政橫檢淫刑酷法一方嗷嗷無所
控訴之情從兵劫掠侵奪隣封累諭夷悛而騁詐斷
命肆其兇毒今命將出師救民伐罪以是月十六日

兵行特用致告惟神相之

上出視朝奉天門百官奏事退復召侍臣與語久之時已五鼓侍臣請曰

聖躬勤勞請少息

上曰朕常在宮中周思庶事或有一事未行或行未善即不昧至旦外必行之乃必安積習既久亦忘其勞蓋常自念才得不逮若又不專心志勤思慮所行合由盡善生民何以德安蓋勤於思則理得勤於行則事治勤之為道細民不敢廢况君乎○庚寅設四川松潘衛鎮夷關○裁齊胡廣新寧縣縣丞主簿○戶

部言浙江嘉興縣小民饑命發縣廩賑之○國子監司業張智卒智字玄畧延平順昌人元末智父為江西儒學提舉智侍父舉於南昌後歸隱建陽洪武中舉明經為湖廣夷陵州孝正尚書趙免言其孝行召拜禮部左侍郎首達議頒書籍北方孝校繼數有建明居二歲以事左遷國子孝業尋陞博士建文中陞司業智儀容儼肅多識典故教人以規矩其卒也士大夫悼惜之○辛卯命成國公朱能佩征夷將軍印克總兵官西平侯沐晟佩征夷副將軍印為左副將軍新城侯張輔為右副將軍豐城侯李彬為左叅將

陽雲伯陳旭為右叅將率師征討安南黎賊命兵部尚書劉儁贊軍事命都指揮同知毛八丹朱廣指揮僉事王恕等為遊擊將軍都指揮同知魯麟都指揮僉事王玉使都指揮高鵬等為橫海將軍都督僉事呂毅都指揮使朱英都指揮同知江浩都指揮僉事方政等為膺揚將軍都督僉事朱榮都指揮同知金銘都指揮同知僉事吳旺指揮同知劉塔出等為驃騎將軍

上諭之曰前安南王陳日燧在我

太祖皇帝時率先歸順恭脩職貢始終一誠自國家亦

待以優禮安南之人皆命受其福日燧既死其後三王皆為賊臣李聲父子所弑篡奪其位更易姓名僭稱大號殺陳氏子孫殆盡收兵四劫賊害不幸攻優占城侵我邊境陳氏之孫天平被其迫逐歸命朝廷賊乃偽陳詞欽請歸君之朕推誠不疑資遣還國彼包藏心禍又給殺之海辱朝使傷官害軍淫刑酷罰暴征橫賦雪其國其怨之深入骨髓

天地鬼神皆所不容朕恭天子之命子育万方不敢不正特遣尔等率師躬伐夫南安之人皆朕赤子金其勢如在倒懸汝往當如救焚拯溺不可緩也惟黎賊

父子乃其同惡在必獲其脅從乃無辜者必釋尔且宜深體朕心毋養亂毋玩寇毋毀廬墓毋害稼穡毋恣取貨財毋掠人妻女毋殺戮降附有一於此雖有功不宥尔其甚之母冒險四行貪利輕進其愛恤士卒堅利甲兵本之以敬慎載之以智勇尔其免之罪人既得即擇陳氏子孫之賢者立之使撫治一方無後還師告成

宗廟揚功名於無窮此朕所望也其往勉之能等頓首受命時西平侯沐晟尚鎮雲南先遣左叅將豐城侯李彬以徑夷副將軍印及制諭往授晟俾同彬就雲南進師俟徑夷將軍朱能等廣西進兵入此竟後鼓勢相聞協力成功且以所諭之復蕉之日昔而父母事我

皇考能累考勤撫西城定雲南功績偉然既沒之後越等追封尔兄弟繼襲侯爵尔受一方之等者等邊境安揖良有可嘉然丈夫貴自立功烈合

命尔為左副將軍總兵官成国公朱能徑討安南黎賊尔當勉盡忠勤和以輯事達非常文功以先生人以啓後嗣尔甚懋哉夫智信仁勇嚴為將之道也為儒則債事委瑣則罔功必務深遠之謀毋徂日前之見

毋驕于十得必戒于私昵則有以稱朕之委任尔其
懋哉○壬辰浙江各衛指揮從徑安南者陞辭

上曰發兵為誅暴為保民尔等必戒約軍士經過無秋
毫犯民軍士餽饗一出民力民勞甚矣不宜復侵擾
之既入安南境當區別善惡無致玉石俱焚○今因
家發兵以刑弔伐將師行必嚴紀律弔伐以施仁義
紀律以戒貪暴不戒則仁義不行宜勉盡尔職以副
委任若有不遵朕命妄戮一人雖遠奇功不得贖罪
○癸巳勅征討安南左副將軍西平侯沐晟曰古人
有言師克在和故軍民謂之和門尔為副將總兵官

有所謂遣相機審勢如無妨礙即須應調或總兵官
遙度與尔處尔有所妨或政與賊相拒或道路梗塞
勢難赴之即明白具報不可故違以傷和氣將師不
和取敗之道尔宜慎之○修江西新建縣石頭岡等
處圩岸○甲午直隸丹徒建平湖廣黃梅新寧浙江
山陰縣民飢給米稻賑之凡給八千四百七十餘石
○丙申旌表濟南府肥城縣民趙讓松江府上海縣
沈氏女行孝讓母喪廬于墓側有猛虎猝至讓無懼
容虎竟去又有強賊六人夜入讓廬讓以情訴賊憫
之遺讓欵而去沈氏名妙蘭未嫁母患心疾貧不能

致醫剖脅封肝為液進母食之遂愈時有廣西桂林
右衛指揮徐興子婦陶氏夫喪嘆曰烈女不更二夫
獨生可為遽自盡特表其門曰真烈又蘇州府吳縣
民陳汝言妻吳氏年二十九汝言卒始老子繼生甫
十月而家故貧有遺書數千卷吳氏素讀書知大義
自治麻枲助之食衣費以養姑子稍長親授孝經論
語而守志不二又同縣民印守彬妻周氏鳳陽府臨
淮縣民詹奎妻周氏揚州府儀真縣曹三妻閔氏寶
應縣民于朝宗妻張氏太平府當塗縣民陶春妻孔
氏常州守禦千戶左貴妾王氏江陰縣民吳士振妻
丘氏夔州府巫山縣民尚文質妻胡氏重慶府巴縣
民張啓宗妻王氏贛州府贛民朱宗文妻劉氏廣信
府永豐縣民余得讓妻鄭氏南陽府郊縣民姬順妻
胡氏開封府滎澤縣民程希賢妻王氏嘉興府嘉興
縣張谷起妻徐氏平陽府臨汾縣民張晟妻李氏俱
蚤歲夫亡義不嫁並未其門曰貞節○于闐遣使臣
滿勒哈撒木丁及何端衛指揮僉事倫只巴來朝貢
方物賜白金鈔幣有差○丁酉諭征討安南總兵官
成国公朱能等曰今尔兵由廣西左副將軍由雲南
以入滇兩軍合勢和以輯事若賊乘官軍未合以計

間阻而併力一軍誘以微和官軍持勇而貪此宸道也或賊詐為疑伏以急我師而別出奸謀潛肆功劫及據險設狀伺我不虞又或置毒飲食以待官軍之飢困賊之詭譎千狀万端不可不慎雖日王者之師吊民伐罪動心以正然宋襄自謂仁義陳餘不用竒計卒致敗亡尔等加慎慎相吉而動擇利而行朕不中制也刺左副將軍西平侯沐晟亦如之大理寺右少卿表復有罪下獄死○己亥勅征討安南左副將軍西平侯沐晟左叅將豐城侯李彬曰近寧遠州土官知州刀吉罕遣人朝貢請以土兵四千隨征已可其奏兵未宜一以軍令約束○賜朝鮮于闐諸國雲南威遠等州朝貢使臣宴○給事中畢進等使其臘國還其王叅烈昭平

牙遣使臣坤德俚任儂等刺借未貢方物謝恩賜其使鈔幣襲○○夜有星大如蓋赤黃色光明潤澤出虛宿東行至游氣○庚子諭征討安南總兵官成國公朱能等曰聞安南氣候雖熱然過中夜拉涼稍失蓋覆輒生疾某冬月亦冷有附火者軍中宜備綿衣又蠻俗好為蠱毒士卒皆宜鑿井而飲躬爨而食○除四川餘慶九姓等長官司天全六番招討司及雅

州通江榮經二縣絕戶茶課三十七萬七千九百餘
斤○辛丑賜左春坊左庶子兼翰林院侍讀黃淮等
五員二品金織紗衣各一襲○壬寅晝太白見已位
○癸卯征安討南總兵官成國公朱能等率師啓行
車駕臨祭大江諸神祭畢嚮將士

上臨江送之天日開朗順風揚帆旗幟精明鼓角謹亮
上喜知安南之必平也○勅征討安南左副將軍西平
侯沐晟等曰總兵官成國公朱能等以今日師行期
十月上旬由廣西憑祥進兵入坡壘鷄陵十一月上
旬度富良江觀賊中地圖尔之所由近賊西都恐其
乘便先犯尔師須料成國公軍近方可進兵緩急得
以相援或由他道徑趨富良江北兩軍會合亦一奇
也然須預料程途先以行期急報成國公知之或遇
險要賊以輕兵挑戰須按兵勿動若以重兵乘我不
得已應之尤宜敬慎務保万全○甲辰

上燕間與侍臣論及之人壽天

上曰壽夭在天人貴勉其在己者人壽百歲世多有之
然皆身沒則無聞顏子三十合名無窮人敬有德可
付何必百歲之壽○乙巳勅征討安南總兵官成國
公朱能等曰今天氣南熱師行在途宜善加撫恤毋

合所失○遣福建叅政伍平等隨成国公朱能赴安南辦事自是比有才能足任使者次第遣行○申嚴誹謗之禁○丙午夜月犯壘壁陣東星○丁未陞金吾右衛指揮使陳亨為右軍都督僉事○戊申擢監生宋仲祥為監察御史○己酉陞國子監博士趙季通為司業起復都察院右副都御史劉觀○欽因温都魯河因只河兀者撥野木欽真河哈流温河等處女直野人頭目因乞例門者里不花木禿答蘭等百一十人未朝貢馬賜鈔幣襲衣○戶部奏四川通海井民言成都府蘭縣資陽鄉旧有竹筒井久廢乞分丁開煎歲可得鹽萬餘斤覆驗有實宜如所言從之

○庚戌

皇太子千秋節文武百官早朝畢具朝服赴

文華殿行賀礼○朝鮮國王李苦遠遣陪臣崔士威等奉箋獻金銀器及方物賀

皇太子千秋節賜士威等鈔幣○夜金星犯外宿東扇南第一星○辛亥賑陝西延安府甘泉縣饑民二千余戶給粟一千四百石有奇○壬子勅征討安南總兵官成国公朱能等曰師克安南凡各國人先被黎賊慮掠者恐擇遣還○武臣有言黃福不宜復授重

任者

上曰福才不逮尔即對曰此建文旧臣且近有過

上諭之曰君臣相與在推誠不可畜疑唐太宗為君王
珪位微初皆仇怨一體委任之不疑兩人終能盡心
甫政知無不言尉遲敬德亦仇敵也既獲而用之便
得其死力皆太宗有至公之量故能得此今朕用人
無間新旧惟賢才是用何嘗存一毫私意有過者必
體情容之有才者必推誠任之上能推誠則人樂盡
力若或畜疑則人苟圖免責誰肯盡心尔自今慎之
勿復妄言○甲寅命欽天監舉精於得數者纂修陰

陽星命等書○乙卯設四川赤水宣撫司經歷司置
經歷知事各一員增置北京順天府千斯倉太倉副
使各二員○陞大理寺評事雷陞戶部主事王祉恭
為廣東按察司僉事刑部主事陳昭吏部主事侯龠
為湖廣按察司僉事刑部主事顏憲霍毅李簡於佐
為四川按察司僉事曹存礼為山西按察司僉事郭
繼宗為浙江按察司僉事朱敬為江西按察司僉事
視戒為河南按察司僉事○丙辰復前束勝有衛指
揮使陳景先職初景先以靈言軍士罷戍邊至是授
恩例乞復官兵部害景先不恤軍士復之無以敬衆

上曰朕念此人旧勞姑宥之遂名景先至前諭之曰積
功至指揮非一日之力朕嘗戒爾輩善保名爵爾輩
徒知得之於万死一生而不知失之於一旦不謹守
法循理保名節之道也豈可不慎且為將豈可不惜
士卒譬如人身將則頭目士則手足乎足常在捍禦
頭目為之用若將與士之心乖隔一旦有急將能獨
自為功乎爾罷職居卒伍以來悉知為卒之苦矣朕
姑錄功棄過以復爾職宜省已改行若復有犯圖法
所在朕不得曲赦爾也○舊港頭目陳祖義遣子士
良梁道明遣姪姓觀政及西千達哩耶回回哈直馬
合黜等來朝賜鈔幣有差○丁巳木邦軍民宣慰使
罕的法緬甸軍民宣慰使那羅塔遣頭目刁悶等來
朝貢方物賜鈔及絲幣

閏七月戊午朔陞刑部郎中梅應魁為北京長蘆鹽
運司運使後軍都督府經歷伏伯安為兩淮鹽運司
運使○己未勅征討安南總兵官成國公朱能等曰
師入安南下郡邑凡得文籍圖志皆勿毀○辛酉
上以諸王多年長未婚命禮部遣人於北京河南山東
陝西徐州訪求官員軍民及前朝名宦之家女子有
容德端厚及其父母德行可稱者官具廩傳令父母

親送至京選用○壬戌文武群臣洪國公丘福等請
建北京宮殿以備巡幸遂遣工部尚書宋禮詣四川
吏部右侍郎師遠詣湖廣戶部左侍郎古朴詣江西
右副都御史劉觀詣浙江右僉都御史仲成詣山西
督軍民採木人月給米五斗欵三錠命恭寧侯陳珪
北京刑部侍郎張思恭督軍民匠作造磚瓦人月給
米五斗命工部徵天下諸色匠作在京諸衛及河南
山東陝西山西都司中都留守司直隸各衛選軍士
河南山東陝西山西等布政司直隸鳳陽淮安揚州
廬州安慶徐州和州選民丁期明年五月俱赴北京
聽役率半年更役人月給米五斗其徵發軍民之處
一應差役及開辦銀課等項悉令停止○癸亥改江
西右布政使劉俊於廣西布政司○丁卯甘肅總兵
官西寧侯宋晟奏亦集乃舊城隘小請發卒增廣之
及召商人於亦集乃中納鹽粟以實邊儲又請給屯
軍農具及授中順王部下頭目官

上曰亦集乃乃荒漢之地築城必用數萬人商人納乘中
鹽道遠難致皆不可從命工命如所奏給屯軍農具
兵部量授忠順王頭目官因曰晨雖老其盡心邊事
晝夜不懈於懷緩遠人愛恤士卒得邊將之道使守

邊者皆然朕復何憂又命所司賜晟鳳陽縣第宅一區田園池塘四十頃山場二十頃俾為世業○戊辰命都察院申明見丁着葉之禁○己巳乃北京儒士武周文王勞諭甚至特命為翰林侍讀學士賜冠帶金織羅衣一襲明日入謝以其老賜勅令致仕

上語翰林侍讀胡廣等曰朕守藩時聞暇喜觀易時王府官亦有三二人知易然皆不若周文切實俱所言亦有拘滯不況動處蓋易道妙在變通不失其正耳古人隨時從道之說最得要領亦在虛心以玩之耳又曰為學不可不知易只內君子外小人一語之君

用知功效不小○○勅諭木邦單民宣慰使罕的法曰夫有功必賞固之金典朕前以八百不臣命將出師伐罪復命爾發兵助之爾能據誠用命深入其地攻其江下等十寨斬首五百余級宜有褒加今特遣鎮撫張伯恭經歷唐復賜爾白金絲幣其頭目陶孟王甫等從征有勞並加賞賚於是賜罕的法白金二百兩錦二段紵絲十表裏頭目陶孟王甫白金一百兩紵絲十表裏余各賜紵絲表裏有差○征討安南左副將軍西平侯沐晟奏請於雲南各處軍糧二十萬赴臨安及蒙自收貯以待用雲南井鹽亦移

於蒙自開中及於雲南都司增撥官軍一万委都指揮萬中把都等領於蒙自迤外連營住扎備運糧儲以為聲授後之因勅晟曰為事隨營征軍官原罪重者作為事官名目與半俸罪輕者復原職與全俸隨征無功仍坐原罪○雲南爾臣言緬甸軍民宣慰使那羅塔擅加兵孟養殺其宣慰使刀木且父子請發兵討之遂遣行人張洪賚勅諭田人君受命主宰天下必明法令一人心使強不陵弱眾不暴寡各安其生朕自即位以來百姓歸心四夷聽命爾那羅塔亦克敬順天道恪修朝真撫安一方之人朕甚加之今聞與孟養構兵殺其宣慰使刀木且父子虜掠其人侵其土地何異往者之心也撥之國法其可容乎也臣請發兵問罪朕慮大軍之行濫及無辜今遣特行人張洪賚勅諭爾其速易心改慮勉循善道還所侵地及虜掠之人自今奉法循理各守疆場以安其民庶幾可免前罪如復冥行不悛夫討必加悔將無及○庚午勅廣東都指揮司選精銳軍士六百人以能幹千二員百戶二員領之具器輿輶根由海道往占城會合軍馬防遏黎寇○刑部言鴻臚寺官前奏邊將不辭而歸於法不敬今逮至訊之具言於本寺報

名辭今稽勘其驗實鴻臚寺官誣奏宜罪之

上曰邊將職任匪輕軍士無將即無統紀猝有警急誰任其責命禮科賜鈔百錠令馳驛還任命刑部執鴻臚官寺之妄奏者罪之○令都督僉事黃中大罪隨總兵官成國公朱能征進遇寇當先立功○辛未修應天府江浦縣沿江提岸○癸酉苦溫寺處女直野人頭目達魯花赤脫可赤及安河衛女直頭目成哈寺三十一人來朝賜鈔幣并金織文綺綉絹襲衣○甲戌忽刺溫三角寺處女直野人頭目吉里吉納者哥唯寺來朝置双城撒刺兒亦馬刺脫倫十顏五衛以吉里吉納等為指揮千百戶寺官賜誥印冠帶襲衣及鈔幣有差曰○乙亥

上御奉天門翰林侍讀學士致仕武周文陞辭命留之賜坐與語良久

上曰卿篤孝悌德宜在朕左右然春秋高矣不欲煩勞宜歸家享子孫奉養以終天年周文起頓首謝又命賜酒饋褚幣給驛付送至家

上顧謂翰林侍讀胡廣寺曰周文亦操履端方廣寺對曰

陛下待儒臣進退之際恩禮俱至儒道光榮多矣

上曰朕用儒道治天下安得不礼儒者致遠必重良馬
粒食必重良農亦各資其用耳○召汪宗大李傑趙
昇為監察御史宗大洪武中由御史降樂昌縣丞傑
永樂初由御史降上海縣丞昇由工部郎中黜為民
至是有薦其才堪御史者故召用之擢監生周轅徐
竒艾良為監察御史○工部言浙江嘉興府海鹽縣
霖雨風潮衝決堤岸乞發民丁修築從之○己卯擢
廣西憑祥縣故知縣李昇子慶青為憑祥知縣以大
理寺卿陳洽言其能伺察賊情故也○甘肅總兵官
西寧侯宋晟奏請束朝勅晟曰今西北邊務以一委

卿豈可暫離宜專心計理以副倚托亦有召命毋輒
未又諭之曰屢遣使往迤北者不迨今秋氣漸蕭草
實亦堅胡虜馬肥芍勁之時且近日天象屢見尔宜
遣兵偵虜動靜嚴為守備不可少有怠忽己○庚辰
上燕間問翰林侍讀胡廣等曰昨有中官自江西來言
江西田家刈稻皆畢何獨早對廣曰臣鄉多種早稻
上又問江西民衆而田少農家亦給足否對曰勤者可
給

上曰勤之一字豈獨農夫當盡士工商皆當盡至於人
君尤不可不盡人君則當致勤於心朕每退朝靜坐

又思今日所行幾事某事於理如何於人情如何若
皆合宜心則安矣有不合宜雖中夜必命左右記之
俟旦可改之蓋一事失當人受其敝故不得不勤○
辛巳爪哇國西王都馬板遣使何烈安達加等來朝
貢方物賜之鈔幣○壬午修肇慶府四會縣倉江石
師等圍堤岸○癸未旦老人星見丙位色赤黃光潤
○甲申福建建寧府知府芮麟卒麟字志文宣城人
洪武間以太學生授台州知府明於政體吏民畏服
嘗討誤被違父老泣送境外交遺之金麟一不受既
謫戍邊後以薦授建寧知府歲饑民困發公廩賑恤

又勸富民分粟貸之民賴以濟郡有上下閔衛分兵
戍守小人倚為奸利商旅苦之麟疏其弊以間罷戍
兵更置巡檢司鎮之作新廟季及朱文公祠考亭書
院暇則親詣季與諸生論說經史政化行馬秋滿赴
京師以疾卒時麟父亦卒于郡舍喪不能舉民爭出
錢贖之麟為政寬簡有古循吏風且好季不倦尤善
楷書云○丙寅廣東按察司副使成寧可坐事罷仍
俾冠帶督工○是月河間府靜海縣霪雨傷稼
永樂四年八月丁亥朔遣官釋奠先師孔子○勅征
討安南總兵官成國公朱能等曰安南僻在海徼自

昔為中國郡縣五季以來中國多事不能制之歷宋
及元亦嘗悖叛用兵圖之而無成功今黎賊逆命朕
命尔等率師討之期尔成功然宋元所以無功者盖
由將驗兵懦貪財好色爾其戒之富良江近賊東都
賊必據守我師深入難與持久若至加林欲渡必具
舟筏曠日勞師莫若未至之先迭出遊騎於加林與
賊相對始用百騎逐日增之至於千騎晝夜舉火放
礮以眩惑牽制而潛師趨富良上流淺處與西手俟
會合而濟出賊不意必能成功朕意如此然難遙度
爾其用心運謀盖自古善戰者皆因敵以制勝也○

夜有星大如鷄子赤黃色有光出羽林軍東南行至
近濁○戊子祭

太社太稷○兀蘭寺處女直野人目乞刺尼組隣等來
朝置兀蘭亦兒古里木哈脫木河福山五衛以乞刺
尼紐隣等為指揮余為千百戶賜誥印冠帶襲衣及
鈔幣有差○己丑侍臣有言今用刑太寬強盜劫人
者多謫戍邊不寘重法何以示懲

上曰於法雖若寬但朕常念用法營原情好善惡思人
情皆同豈本心樂於為惡或迫於飢窘不得已為之
然嘗為不善者能改過為善聖人未絕嘗之故朕憐

其初出於不得已又冀其終能改過故耳若再犯必
不宥矣○辛卯不臘哈赤等處野人頭目乃兒不花
等來朝貢馬置札木哈衛命乃兒不花為指揮同知
賜誥印冠帶○壬辰置北京兵馬指揮司夜巡銅牌
十面令趙王掌之關領夜巡一如京師之例○工部
言梁洪霖雨水決近河路并圈溝橋一十九丈六尺
宜發民修理徙之○癸巳修河南陽武縣黃河堤岸
及中牟縣汗河北堤○甲午遣官祭歷代帝王○乙
未祭太歲風雲雷雨嶽鎮海瀆山川等神○遠官祭
旗纛○丙申夜金星犯御女星○丁酉

上以甘肅寧夏山西皆近邊可畜馬勅守將西寧侯宋
晟左都督何福江陰侯吳高等相擇牧地計議以聞
復諭之曰朕欲馬畜息思有工策一欲略如朔漠牧
養之法擇水草之地其外有險阻只用數人守之而
足縱馬其中順適其性至冬寒草枯則聚而飼之一
欲散與軍民牧養設監牧統領之二策孰善宜精思
條畫以聞將朕擇之○先是通政司受四方奏疏非
重務者悉不以聞徑送六科至是

上知之召叅議賀良弼貴曰設通政司所以決壅蔽達
下情今四方言事朕不得悉聞則是無通政司矣朕

主天下欲周知民情雖微細事不敢忽蓋上下交則
太不交則否自古昏召其不知民事者多至亡國爾
欲朕效之乎自今宜深懲前過凡書奏閔民休戚者
雖小事必聞朕於听受不厭倦也○東洋馮加施蘭
土酋加馬良等來朝賜鈔幣有差○女直野人喜列
尼等六十三人來朝以為兀者衛指揮千百戶賜冠
帶及鈔幣有差○乙亥山東濟南等郡縣蝗北京通
深景晉四州及東鹿曲陽贊皇交河安平柏鄉任丘
等縣旱詔戶部發粟賑其飢民凡戶二萬四千六百
有奇給粟四萬八千六百石有奇○庚子以遼東鎮

守保定侯孟善所為非法降勅切責之曰將之禦寇
猶大之防盜大與盜狎將何用焉况復壞朝廷之法
乎姑貸爾罪如不改過悔將無及○置山東凌縣縣
丞主簿○改直隸應天府江淮驛隸江浦縣江西饒
州府鄱陽縣芝山驛隸本府○占城國王占己的賴
遣其孫部坡亮微郊蘭得勝那林等來朝貢白象方
物且言安南黎賊數侵掠其境土人民請兵討之賜
其孫白金二百兩金織文綺紗羅衣各二襲鈔百錠
文綺紗羅十四匹其僮從鈔幣襲有差命禮部宴勞
之○辛丑能木里言見伐里等處野人頭目古里帖

買等罕來朝貢馬賜鈔幣有差○夜月犯壘壁陣東
第二星○癸卯修淮安府清河縣爬泥蕩橋○北京
刑部言宛平昌平二縣西湖景東牛欄莊及清龍華
家苑山三閘水衝決堤岸百六十丈命發軍修民治
○甲辰賜國子監琉球國云南生召達魯等并從人
紬絹綿布冬衣二百二十事○山東革新興浯河渠
丘三驛○考見倉等處韃靼頭目安立提等來朝貢
馬置竦和兒千戶所命安立提等為千戶鎮撫賜
誥印冠帶及襲衣鈔幣有差○八百大甸軍民宣慰
使刀招散遣頭目板賽蘇等貢方物謝罪

上以其不誠却之○乙巳賜趙王高燧書曰比聞都指
揮欵台乘馬過駙馬都尉廣平侯袁容之門怒其不
下箸楚幾死欵台靖難功臣豈當非禮倭辱爾非不
知曷不以聞自洪武以來往來駙馬之門何嘗有下
馬之令晉王敦為駙馬縱恣暴橫卒以悖逆滅亡復
轍在前可再蹈乎此書觀畢仍以手容其受使令辱
欵台之人悉械送京師勅鎮守大同江陰侯吳高等
曰欵天監言星象有兵今秋氣漸肅草實既堅正胡
虜馬肥步勁之時尔等受邊寄宜申嚴號令訓飭將
士慎固提備不可怠忽○擢蘭溪縣典史張彬為鴻

臚寺右寺丞○丙午松花江寺處女直野人頭目徹
兒帖木等四十八人來朝賜之鈔獎○丁未陞江西
道監察御史唐廣云為北京國子監司業廣云桂林
人嘗以教官侍

上於藩邸知其誠實可用故親指之○陞江西布政司
右叅政張本為工部左侍郎開封府知府任毅為右
侍郎○西城回回亦不剌金寺真馬命賜之鈔○饒
州府言鄱陽康山忠臣廟圯壞請命修治

上顧侍臣歎曰此皆首佐

皇考成帝業者不幸遇難艱効忠奮義以死昔人盛德
百世祀今不數十年而廟壞不治豈報德勸功之道
今國家於異代忠義之臣猶致禮其祠墳况

皇考股肱爪牙之臣哉禮父母所憂亦愛况有功於國
乎遂命工部即遣官修督仍諭所司歲時嚴祀禮守
廟者悉復其家○己酉瀋王妃張氏薨訃聞

上輟朝一日遣官賜祭命工部給明器儀仗有司營葬
庚戌夜有星大如鷄子青白色尾跡有光出閣道東
北行入紫微東蕃外○辛亥廣東右布政使徐奇言
所屬鹽課提舉司積言已多今大軍征安南宜令官
民之家往太平寺府中納鹽糧每引米五斗不拘次

於廣東海北二處關支使彼糧儲足用罷中使之夜
月犯軒轅南第五星○壬子修周世子及郡王郡主
府第○遣內官馬彬等賫勅諭占城國王占巴的賴
曰爾遣搦部坡亮微郊蘭得勝那林等來朝貢方物
且言安南黎賊侵奪地界驅掠人畜肆害不已請兵
討之朕以黎賊累弑國王篡奪其位僭號改元毒痛
下民舉國憤怨其前王孫陳天平被其迫逐歸命朝
廷黎賊請迎歸國以君事之朕推誠不宜遣人資送
乃中途邀而殺之抗拒朝命罪惡滔天不可容宥已
命總兵官征夷將軍成國公朱能等率大軍往討其
罪務在殄滅以安黎庶爾宜嚴兵境上防遏要衝其
安南人先居占城者不問自命有逃至者皆勿容隱
但得黎賊父子及其黨惡印械送京師厚加賞賚爾
宜勉之仍賜之鍍金銀印及紗帽金帶黃金百兩白
金五百兩金織文綺衣二襲昇錦騎紗羅等物○勅
甘肅總兵官西寧侯宋晟曰北番國及諸部落之人
有來互市者多則遣十餘人少則二三人入朝朕親
撫諭之使其歸國宣命恩布○癸丑免齊王搏為庶
人仍命所司錄其所為過惡示博俾覽省而改行焉
裁省直隸池州府建德縣縣丞主簿○甲寅陞錦衣

衛副千戶吳亮為旗守衛指揮僉事○丙辰三法司奏教誘齊王為不軌者數人罪當棄市

上曰既死則不可復生更慎之齊王朕親弟其素性狼悽朕尚不能化之何可盡誅也人再詳審之○是月霖雨壞北京城五千三百二十丈天棚門樓舖臺十所通州等衛城及白馬等三十三關墻垣七百六十四丈事聞命發軍民修築

九月丁巳朔封周王櫛第六女為榮陽郡主命張義為中奉大夫宗人府儀賓以主配之義錦衣衛百戶福之子也○禮部言開封府鈞州民袁義喪母晝夜

號哭不食酒肉鹽醬廬墓三年命旌表其孝行○復以庶人搏所為謗毀呪咀陰結勇士招納亡命擅食校尉私通邊境要結外夷圖為不軌之事賜書遍諭周楚蜀肅遼慶谷韓潘安唐部伊秦晉魯靖江諸王○戊午命禮部申明民間巾服之制

上以京師軍民狃於習俗多戴圓帽願頭非本等巾服乖於禮制故有是命○修永平府樂亭縣魯家套社等處河口○廣東都司送至欽州所獲黎賊覘伺之人遂勅總兵官成國公朱能等曰賊以遣人於廣東緣海偵伺慮其知海道無○併力於爾宜加意慎防

不可忽畧○別失八里王沙迷查千遣人來朝貢馬
賜之鈔幣○己未增給北京官軍俸糧初北京武職
一品二品月給米一石三品四品月給米九斗五品
六品八斗七品八品七斗九品雜職六斗旗軍有家
屬者四斗無家屬三斗至是命大小武職每員月支
米一石旗軍有家屬月支米五斗無家屬四斗容城
郡主薨訃聞賜祭命給明器儀仗有司營塋主晉恭
王第三女嫁儀賓陳斌云○庚申周世子有燉來朝
命皇太子宴於文華後殿其從官宴如例○辛酉臨
汾王冲燭薨遣祭如宜都王礼冲燭韓憲王第三子

時年四歲云○壬戌設陝西甘肅二苑馬寺寺置卿
一員從三品少卿一員正四品寺丞一員正六品首
領官主簿一員從七品寺統六監而每寺先設二監
曰祁連曰甘泉隸甘肅苑馬寺曰長樂曰靈武隸陝
西苑馬寺監統四苑每監先設二苑西寧大通隸祁
連監廣牧麒麟隸甘泉監開城安定隸長樂監清平
萬安隸靈武監監置監正一員正七品監副二員正
八品錄事一員未入流苑視其地里廣狹為上中下
三等上苑牧馬一萬匹中苑七千匹下苑四千匹苑
有圍長從九品一圍長率五十夫每夫牧馬千匹餘

八監四十苑命甘肅總兵官西寧侯宋晟寧夏總兵
官左都督何福度地勢次第設置勅晟曰今設苑馬
寺以廣孳牧每寺統六監監統四苑寺署御史卿寺
丞監置正副苑立圍長以率牧馬之夫春月草長縱
馬子苑迨冬草枯則收飼之今先設四監爾處應有
牧馬宜分配與之凡回回韃靼以馬至者或全市或
市其半牧馬則盡市人以給四監其監之未設者即
按視水草便利可立處遣人以聞馬政重事其如意
精思有可行者悉宜條奏毋有所隱○鷄鳴寺番僧
端竹領占洮州衛千戶趙誠奉命往八郎等簇招諭

服即多匝簇馬兒匝簇思曩曰簇潘官簇哈倫簇頭
目柔耳結巴阿思巴等來朝貢馬賜鈔幣有差○夜
月犯掩南斗杓第二星○癸亥揚州府泰州判官黃
道理言州境舊有運鹽官河每遇霖雨輒泛溢復民
田宅乞於普定秦潼河及西溪南儀什三處各開水
口使下流經興化鹽城界入海仍各置閘以時啓閉
永為民利從之○甲子周世子有燉還國宴如初至
賜鈔幣等物從官賜鈔有差○陞河間府知府崔衍
為北京刑部右侍郎復左侍郎李友直官友直先生
事謫戍至是宥而復之○設四川烏撒軍民府僧綱

司○迷密河等處韃靼頭目乃吞兒等來朝置只陳
千戶所命乃吞兒帖木兒二人為正千戶也先不花
九人為百戶刺把脫歡不花二人為所鎮撫賜誥印
冠帶髻衣及鈔幣有差○乙丑重陽節賜文武群臣
宴修順天府固安縣霸州保定縣荆岱等河口及真
定府真定縣濤沱河白馬口堤岸○暹羅國王昭祿
群膺哆羅諦刺遣使虎都卜的毛那那等貢方物賜
之文綺襲衣○丙寅設重安長官司隸播州宣慰司
以張佛保為長官馮鐸為副佛保等嘗招輯重安蠻
民嚮化故也○丁卯賜翰林侍讀黃淮等五員金織

羅衣各一襲○陞廣西道監察御史遠志為大理寺
左寺丞吏部郎中夏迪為河南布政司左叅政戶部
郎中林彬為四川布政司左叅政兵部郎中徐子良
為江西布政司左叅政刑部員外郎陳立為左叅議
刑部郎中于霽為湖廣布政司左叅政戶部郎中趙
寧為山東布政司左叅議白彥芳為陝西布政司左
叅議程敏為右叅議刑部郎中馮祿為河南布政司
右叅議莊謙才為山西布政司右叅議吏部郎中陳
善為廣西布政司左叅議工部郎中林興祖為右叅
議湖廣道監察御史曾寶為廣西按察司使四川道

監察御史周敏為浙江按察司副使廣東道監察御史夏禮江西道監察御史張翥俱為河南按察司副使福建道監察御史鄒祐為廣東按察司副使北京道監察御史靳義為湖廣按察司副使徐道正為陝西按察司副使福建道監察御史楊庶廣西道監察御史劉瓚俱為僉事戶部郎中曹曾為陝西苑馬寺正卿刑部郎中周恭為甘肅苑馬寺正卿○戊辰賑蘇松嘉湖杭常六府流徙復業民戶十二萬二千九百有奇給粟十五萬七千二百石有奇○己巳蜀王長孫生賜名有堉世子悅熈子也○命故襄城伯李

濬子隆襲封襄城伯○禮部奏有守邊百戶獻馬四

匹

上召百戶諭曰爾畜馬甚勞朝廷馬足用不須爾獻命禮部還之百戶言臣畜馬頗多恒念無以報國思此出臣誠心

上曰爾為武臣須為以立功能用心多畜馬可嘉矣但汝報國在勉立軍功不在獻馬竟不受賜酒食及鈔而遣之○起復刑部右侍郎李慶○夜有星大如蓋青白色光燭地出五車北行至雲中○辛未晉王濟煇廣昌王濟熇來朝命皇太子宴於文華後殿其從

官宴於西廡○封蜀王椿長女為長寧郡主命高晟
為中奉大夫宗人府儀賓以主配之晟成都中護衛
指揮政之子也○壬申勅征討安南總兵官成国公
朱能等曰軍中事宜前勅已備爾宜詳慎審度而行
臨敵之際但有持兵來拒者殺不釋若迎降納款及
奔走避匿者皆勿殺庶副朕愛人之意○癸酉命廣
昌濟王熇冠○旌表蘇州府長州縣民樓可先妻王
氏貞節○乙亥修湖廣衡陽縣青草橋○丙子賜朝
鮮國陪臣趙勉非及別失八里暹羅諸國朝使宴○
湖廣蘄州廣濟縣妖僧守座聚男女立白蓮社毀刑

斷指假神扇惑事覺官捕誅之○丁丑周王橐奏欲
遣人於甘肅境上與韃靼市馬賜橐書曰胡人難服
易叛昔有降虜居大寧因邊將市民拂其所欲即叛
而去今西北諸胡尤盡心撫綏又屢勅邊將秋毫無
犯彼欲來歸者先遣人近邊伺察朝廷待之如何乃
來數年之間來者日衆邊境遂以無事今賢弟雖云
兩平收買所遣之人寧知其心且別府聞之皆倣倣
而竹何詞止之此蓋邊境安危所係賢弟已之可也
○戊寅夜金星犯進賢星○庚辰皇孫生賜名瞻堦
皇太子第六子也○修安慶府懷寧縣斗潭河彭灘

等處潦水所衝圩岸○辛巳賜蜀王椿珍珠一百九十二兩白金一千五百兩鈔二萬錠○晉王濟熿廣昌王濟煇還國宴初至賜鈔幣有差其從官悉賜之鈔○免廣西上林縣歲辦黑鉛二萬四千三百八十八斤○修江西吉水縣刘家塘及雲波○禿河石魯山門等處女直野人頭目哈合察等六十三人來朝置肥河衛命哈合察等為指揮千百戶仍賜誥印冠帶襲衣及綵幣有差○大同鎮守江陰侯吳高奏官比奉勅令臣等計議畜馬事宜謹按視所屬地方惟大同東北猶見庄西至雲內東勝等處外有赤山榆楊壘白等閑隘可守東西險阻其內延袤四百餘里水草便利可以孳收若給與軍民畜養則屯種之地火有空隙未免妨農謹上地圖伏惟

聖裁

上覽而是之○壬午設北京遼東二苑馬寺清河金臺靈龍涿鹿香山通判六監隸北京苑馬寺永寧新昌昇平長安市遼河六監隸遼東苑馬寺官制並同陝西甘肅○雲南金齒勝衝僧古舟等九十五人來朝貢方物賜鈔及僧衣

上聞翰林院讀書庶吉士王訓湯流柴廣敬祖繼病卒

歎息謂侍臣曰朕深有望文學之士復前古之盛故簡按此二十八人者加厚作養之庶天下才俊有聞而興起者曾不幾時連失三人何其成之難而喪之易也咨嗟久之○癸未

上御右順門三法司官引奏浙西民告數人誹謗罪及追至面對皆未嘗相識當抵証告罪

上諭之曰汝以死罪誣人若朝廷遂聽汝言彼死何辜汝造一言欲殺數人小人雖有無知者豈若爾之險惡汝今實自戒何悔諭三法司曰此譬之蛇蝎不可暫留留則復毒人其速誅之即日棄市○勅寧夏總

兵官左都督何福曰爾奏欲立東勝衛此策甚善須俟鎮虜定邊諸衛皆定然後立之則永邊無虞朵顏衛來朝韃官都指揮哈兒兀歹言北虜鬼力赤欲率衆南來鈔邊

上曰虜雖未必來然有備無患遂勅寧夏總兵官左都督何福甘肅總兵官西寧侯宋晟及開平興和守將各嚴兵備○夜有星大如盞白青色光燭地出南河東竹入星宿○乙酉勅恭寧侯陳珪等曰朕初舉義北京軍民供給甚勞雖數年來一切賦役皆免之然勞困未盡復今國家不得已須籍其力汝當體朕之

心如意撫卹而後之有節必使得治其生事而無飢
寒之憂乃令赴工勿過勞之○丙戌申嚴收匿名文
書之禁○河南陝西都轉運鹽使司言鹽池東西岸
黑龍等堰比雨水漲溢衝成溝穴椿木漂流遇雨輒
益鹽池請農隙修集從之

永樂四年冬十月丁亥朔享

太廟○鴻臚寺奏免午朝

上将退顧侍臣曰老等各就休息一日復問無事家居
時亦不發觀書否對曰有暇亦時觀書自適

上曰常獲孔子言飽食終日無所用心難矣朕視朝罷

宮中無事亦恒觀書深有啓沃君等皆牛富力強不
可自逸大禹尚惜寸陰朕與汝等何可不勉○戊子
征討安南總兵官成國公朱能以疾卒于龍州右副
將軍新城侯張輔伐總其衆以進且遣人馳奏○夜
有星如盞大青白色有光出天船西行入奎宿○己
丑陞山西道監察御史甄庸為工部右侍郎○庚寅
亦答魯能木里女直野人頭目趙州不花乞歹不花
忙古納等來朝貢馬置密陳卜刺罕二衛命趙州不
花等為指揮千百戶鎮撫賜印誥冠帶襲衣及鈇幣
有差○辛卯土獐頭目府刺出哈刺罕等來朝貢馬

命府刺出為蘇溫河衛指揮使哈刺罕為指揮同知
餘為千百戶鎮撫賜之鈔幣○壬辰改上林苑為上
枝署置暑正一員正七品署丞二員從七品監事一
員正八品首領官錄事一員未入流○癸巳賜恭寧
衛能木里亦答魯土稱等地面來歸頭目宴于會同
館改四川夔州府建始縣龍塘驛隸本府直隸揚州
府高郵州界首遞運所江都縣邵伯遞運所儀真縣
儀真批驗茶引所邵伯瓜州閘壩並縣本府儀真縣
遞運所仍隸本縣○雲南僧智海及四川僧子緣曲
靖軍民府僧鑑音等八十四人來朝貢方物各賜鈔

及僧衣○夜月犯壘壁陣西第二星○甲午性金吾
左衛指揮同知董智為本衛指揮使○乙未命浙江
江西湖廣及直隸徽州安慶太平鎮江蘇州等府衛
造海運船人十八艘○是月征討安南右副將軍新
城侯張輔等率師發馮祥度坡壘閔望祭安南境內
山川告以黎賊弑君害民內侵上悔之罪令都督同
知韓觀於閔下駐營督廣西等處官軍土兵運糧修
道伐木繕治橋梁出游兵偵羅遣鷹揚將軍都督僉
事呂毅等前哨進至隘留閔賊衆三萬餘依山結砦
掘濠塹機毒矢轉石發木拒守毅督軍進攻以省翼

敵而上斬首四十級生禽六十餘人賊皆散走大軍
遂度閔留兵守之輔以

上意傳檄安南官吏軍民人等曰安南爾密中國自我
太祖高皇帝肇膺

天命統一寰區其王陳曰燈率先歸順錫爵頌息傳序
承宗多歷年所賊人黎李弊父子為其臣輔擅政專
權火懷覬覦竟行弑奪李弊易姓名為胡一元子黎
蒼為胡奎謬託妯親益張威福手弑其主戕及閭家
肆逞兇暴雲于一國草木禽獸不得其寧天地鬼神
之所共怒

皇上即位之初隆懷遠之德黎賊父子遣使入朝挾姦
請命稱陳氏宗族已絕已為其甥暫權國事朝廷惟
務惟誠未嘗逆詐而前安南王之孫為所迫逐逃入
老嫗轉詣京師許其罪惡朝廷初未之信後因安南
使人識其非為悲喜慰勞不忘故主遂以璽書告諭
具欲興師黎賊父子知國主之有後慮天兵之下誅
遣使陳詞乞赦誣罔請迎歸國以事君之朝廷信而
不疑畧其舊過嘉與自親悉從所請遣使者以兵五
千護送還國而黎賊父子包藏禍心設伏境上遮拒
天兵阻遏天使執殺前安南國之王孫使臣以聞

皇上震怒特命將兵八十萬討徐逆賊惟茲伐暴之師必著聲罪之實賊人黎季犛父子兩弑前安南國王以擬其國罪一也賊殺陳氏子孫宗族殆盡罪二也不奉朝廷正朔僭改國名大虞妄稱尊號紀元元聖罪三也視國人如仇讎淫刑峻法暴殺無辜重歛煩徵剝削不已使民手足無措窮餓罔依或死填溝壑或生逃他境罪四也世本姓黎皆其祖宗擅自改易罪五也憑籍陳氏之親妄稱暫權國事以上國朝廷罪六也聞國王有孫在京師誑詞陳請迎歸本國以臣事之及朝廷赦其前過俯從所請而益肆邪謀遮拒天兵阻遏天使罪七也其安南國王之孫始被迫逐萬死一生

皇上仁聖矜憫存恤資給護送俾還本土黎賊父子不思感悔竟誘殺之逆天滅理罪八也寧邊州世奉中國職貢黎賊恃強奪其七寨占管人民殺虜男女罪九也又殺其土官刀吉罕之婿刀猛慢虜其女曩亦以為驅使強徵差法銀兩驅役百端罪十也威逼各處土官趨走執役發兵搜捕夷民致一槩驚走罪十一也侵占思明府祿州西平州水平寨之地及朝廷遣使索取乃詞支吾所還地十無二三罪十二也還

地之後又遣賊徒擄西平州劫殺朝廷命官復謀來
寇廣西罪十三也占城國王占巴的穎新遭父喪即
舉兵攻其舊州格列等地罪十四也又攻占城板達
郎白黑等四州盡掠其人民孳畜罪十五也又加兵
占城取其象百餘隻及占沙離牙等地罪十六也占
城為中國藩臣既受朝廷印章服物黎賊乃自造鑲
金銀印九章冕服玉帶等物以逼賜其王罪十七也
貴占城國王惟尊中國不重安南以此一年凡西加
兵罪十八也天使以占城使者同往木國黎賊以兵
劫之於尸昆奈港口罪十九也朝貢中國不遣陪臣

乃取罪入假以官職使之為使如此欺侮不敬罪二
十也斯其大者餘不悉言惟黎賊父子不臣之罪滔
天罔既理不能容其諸國人遭罹荼毒積有歲年深
可憐憫天兵之來攻為弔爾民之困苦復陳氏之宗
祀已嚴飾將士秋毫無犯可皆按堵如故勿妄驚疑
其脅從官吏本出威逼實非心從可各安職役皆不
加罪若曾同惡協謀今能改心易慮幡然效順亦許
自新原任官職亦仍其舊其有各國之人見在安南
經商或被拘留者可悉赴軍門自陳即與護送還國
其有願留買賣者聽若能為一國之人造福大禽生

黎賊父子逃至軍門者重加爵賞敢有昏迷不俊助
惡拒命天戈一指掃蕩無遺待黎賊父子就禽之日
即會集爾官員將吏國人耆老選求陳氏子孫復其
王爵雪幽寃於地下解倒懸於國中上以副

皇上心之下以慰爾民之皇○夜有星大如鷄子青白
色有光出玄戈旁東北行入七公下尾跡後散○丙
申酉苗刺和庄摩些土酋何奴弟來朝貢馬時雲南
右衛鎮撫朱程等往西苗招諭行次刺和庄摩些土
酋何奴弟隨之入貢賜鈔幣表裏○貴州土人龔福
民招復逃軍四百五十餘人來朝悉宥而賚之遂授

福民貴州的澄河巡檢賜紗帽銀帶鈔五十錠綵幣
五匹紵絲衣一襲○是日征討安南驃騎將軍都督
僉事朱榮等軍至鷄陵關賊先結寨設重塹置竹刺
其中分衆三萬守之以火鏡鏢弩拒敵而隘留潰卒
奔歸言大軍勢不可禦相恐動無固志榮等攻之斬
首六十餘級生禽十餘人賊委器伏而走遂前四十
里攻其小關賊望風潰去○丁酉擢錦衣衛經歷許
廓行人胡均進士李本監生張弼蔡誠彭昭尹醇鍾
恕為給事中○夜有星大如蓋赤色光明出天津西
行至游氣○己亥前江西按察司使周觀政上書言

事且乞不以示近臣

上曰言果可用當施諸天下果不可用不宜陳於朕何獨不示近臣觀政惶恐退

上顧侍臣曰此人言為治不必盡法祖宗意欲紛更真妄人也若聽其言即如妄人療病本證未除他證又作矣豈可用也○浚蘇州府常熟縣福山塘許三十六里○庚子征討安南右副將軍新城侯張輔兵入鷄陵關至芹站謀報芹站兩旁皆有伏令也鷹揚將軍都督僉事呂毅反都督僉事黃中等領軍搜索賊遁去就哨昌江市橋造浮橋仍於市橋置堡遣鷹揚

將軍方政游擊將軍王恕等哨探直抵當良江北嘉林縣大軍自芹站以西由他道至比江府新福縣謀知左副將軍西平侯沐晟軍至白鶴遂遣驃騎將軍朱榮往會晟亦遣都指揮俞讓來初太軍入境輔等以

上命戒群下毋妄殺所至感悅至是三帶州偽僉判鄧原原諒江府南策州人莫邃莫遠等來見言賊恃偽東西都及宣江洮江沱江富良以江為固乃自三江府沱江南岸傘員山循富良江南岸東下至寧江又於富良江北岸循海湖江希江麻宰江至盤灘困枚

山緣江樹柵多邪隘增築土城城柵相連亘九百餘里盡發江北諸府州民二百餘萬守之驅老幼婦女以助聲勢又於富良江南岸緣江置椿盡取國中船艦列於椿內諸江海口但不捍木以仿攻擊賊之東都守備亦嚴時列象陣步隊於城柵內賊衆水陸號七百萬我師於江北岸戒嚴以待然賊畏怯不敢渡江蓋欲守險以老我師我師遂自新福縣移營於三帶州箇招市江口造船圖進取○辛丑改湖度草子坪長官司之陰隆江巡檢司隸五寨長官司○夜月食○癸卯設喇和庄長官司隸雲南都司時土酋阿奴弟來言喇和庄有民三千餘戶乞設官領之遂從其請設長官司命阿奴弟為長官賜印及冠帶襲衣○通政司引告者發人誹謗事旦日謗者之母寶聞之已而其母亦首其子實出謗言不敢隱又言已老無依乞垂矜憫

上諭三法司曰人恒情知愛其子鮮知公義此婦知公義而不廢私愛亦可謂賢其以母之故時育之口先是兵部尚書金忠等言湖廣洪州泊里蠻夷長官司所屬蠻民吳蘭吳廣吳塘華等以妖言聚衆為亂攻劫其旁近人民有司招諭不服請發兵勦之

上曰蠻夷作亂固當誅但兵行不免傷及良善其令湖廣三司再遣人招諭服則宥之至是湖廣都司言蘭等聞命皆已從化

上曰蠻夷之人以殺戮為生業豈知有禮義故聖人以不治治之非大逆拒命豈可輒動官軍馭夷之道既服舍之可也○丙午征討安南總兵官征夷將軍成国公朱能訃聞

上哀悼輟視朝五日遣使論祭命有司給其喪事護送還京師能字士弘鳳陽懷遠人縣父亮元季結民兵保障鄉曲從

太祖高皇帝渡江積功至武毅將軍燕山中護衛副千戶能嗣其職事

上于潘邠在諸將中年最幼然沈毅有智起義之初能力替其謀首禽奸黨謝貴張晒奪九門下薊州禽都指揮馬宣從

上出涿河過大寧之兵已而破雄縣遂北至月樣橋禽敵帥楊松等殲其衆於鄭州長驅至真定長興侯耿炳文敗走能率敢死士三千騎乘勝追至潭池河炳文衆數萬列陣以待能躍馬大呼突其陣敵驚潰自相蹂藉死者無算降其衆三千人師還

上以手札勞之

上取永平能從行敵知北平空虛圍城急攻

上得報還軍遇敵于鄭村壩能從

上與戰大捷敵營於九門者悉破之時敵將平安營白溝能以前鋒奮擊安大敗攻濟南師次鐸山敵乘高而陣能以兵繞其後一鼓敗之降者萬餘取滄州能率衆自東門入斬首無算大戰東昌夾河破歷城侯成庸兵至藁城復敗平安軍攻真定畧彰德所至克捷至小河與敵戰數合我師不利諸將請班師能奮曰自起義以來戰無不勝驗之天時人事可知今宜

速進豈可以小挫自沮言合

上意遂南至靈壁又遇平安銀牌軍能先登陷陣敵不能支死者蔽原野敵將都督陳輝來援能復敗之累陞右軍都督僉事暨大封功臣以能功最陞左軍都督府左都督封成國公永樂二年進兼太子太傅安南黎賊造逆命克總兵官佩征夷將軍印率師致討至是卒能身長八尺狀貌魁偉驍捷有膽力雖位列上公而不以富貴驕人被服寬博有暇召儒生講說前史求知古將相賢古得失居家事母孝於諸弟反愛為將善撫士歿之日將校皆為流涕榷還龍江復

遣官賜祭仍命百官往祭賻贈加厚勅葬北京昌平縣追封東平王謚武烈○富昌伯房勝卒勝湖廣景陵縣人初從偽漢陳友諒平來歸以善射選充騎兵小旗從征山東及雲南以功授百戶陞府軍衛千戶征納哈出陞通州衛指揮僉事屢效勞勩上起義率所部從征命仍守通州敵數攻圍州城勝且守且戰城賴以全

上嘉其功累陞都指揮僉事封富昌伯至是卒賜祭及賻塋如例○夜有星出壘壁陣火如鷄子赤色有光流火餘發光如蓋大西南行至存氣○丁未命征討

安南右副將軍新城侯張輔佩征夷將軍印充總兵官仍以雲陽伯陳旭為右叅將率師征南安勅諭之曰

皇考太祖高皇帝命大將軍開平王常遇春偏將軍岐陽王李文忠等率師北征而開平王卒於柳河川偏將軍岐陽王率諸將掃蕩殘湖終建大勲著名青史爾等宜立志自強取法前人乘此冬月瘴癘肅清同心協謀殄除逆賊建萬世勲名以副朕之委任○陞豹韜衛指揮使楊興為大寧都司都指揮使
回回結牙思進士王挽

上不受命禮部賜鈔遣歸謂尚書鄭賜曰朕朝夕所用
中國磁器潔素瑩然甚適於心不必此也况此物今
庫府亦有之但朕自不用又曰虜貪而譖朕受之必
應厚賚之將有奇異於此者繼踵而至矣何益國事
哉○陝西涼州僧耀師等貢馬賜鈔幣僧衣○夜有
星大如盞青白色有光出北斗杓旁南至游氣○戊
申性光祿寺監事井泉為光祿卿泉為洪武中為燕
與府膳事

上最久故超用之○性刑部主事吳公悅為湖廣按察
使○廣西上林峒土官岑成遣子岑保貢方物賜之

鈔幣○癸丑夜有星大如盞赤色光燭地出太陽守
星下西北行至游氣○乙卯百戶趙賢等自兀良哈
察罕達魯花處還言虜酋也孫台為部下所殺馬免
哈咱往歸瓦剌何魯台往居海刺兒河之地

上曰此言未可遽信虜或厚贖之令為此說以緩我邊
備遂勒甘肅總兵官西寧侯宋晟寧夏總兵官左都
督何福及開平興和大同守將各勵兵士謹慎伺毋
墮虜計○夜有星犯房宿北第一星○丙辰命都指
揮僉事高山理河南都司事○先有史料給事中紀
法繫獄至是其父代陳情願為改過自効

上命釋之仍諭之曰再犯不宥矣已而顧侍臣曰被罰不悔則為惡之心確知罪思改則向善之心萌故許其自新而戒其再犯侍臣對曰昔聖人於怙終加賊刑正謂此也○夜有星出五車大如彈丸赤色流五尺餘發光如蓋大北行至紫微東蕃內

永樂四年十一月丁巳朔欽天監追永樂五年大統

曆

上御奉天殿受之頒賜諸王及文武群臣○冊貴州都指使程暹孫女為通城王益燦妃○己未冬至

上御奉天殿受朝賀大宴文武群臣及四夷朝使命婦

朝

皇后于坤寧宮賜宴○夜有星出太微西垣如彈丸青色白色流丈餘發先大如蓋東北行游氣○庚申封周王捕第八女為新鄉郡主命張琳為中奉大夫宗人府儀賓以主配之琳留守後衛指揮僉事政之子也勅○征討安南總兵官征夷將軍新城侯張輔左副將軍西平侯沐晟曰從征將士養之於平時而用之於今日其有能捷身自奮斬關殺將衝堅破陣出奇立功者皆籍識姓名師還之日重加陞賞以旌其勞○癸亥戶部言高郵州東河等處塘岸傾圮江都

縣劉家圩港淤塞命有司發民修浚○甲子設桑植
安撫司肆九溪衛以土官向思富為安撫○改青州
右衛為天津左衛○乙丑木楞古野人頭目佟鎖魯
何等四十人來朝命為建州衛指揮千百戶等官賜
以冠帶及鈔帶有差○丙寅永福郡君薨訃聞賜祭
命有司治喪葬邵君故靖江王守謙長女嫁儀賓魯
瑄云○夜有星出天苑大如鷄子青白色有光流火
餘發光如蓋大南行至游氣○丁卯遣使賜哈蚤忠
順王脫脫及其祖母母綵幣命其頭目六十阿里等
十九人為都指揮指揮千百戶等官從脫脫祈請也

○己巳甘露降

孝陵松柏醴泉出神樂觀命中使取獻

宗廟并分賜廷臣○庚午百官上表賀醴泉甘露之瑞

賜璽書論曰朕敬恭事

天地上致孝於

宗廟下祈福於生民而禎應屢見卿等謂朕德祈至朕

何敢當斯蓋

上天之佑

宗廟之靈及爾文武群臣盡心協輔所致然自古有道
之君祥瑞之來愈加警畏是以國家蒙福人民乂安

卿等宜勉輔朕德永承天休○酉番的牙簇刺麻割
巴朵只川匝簇頭目米納肖弟煙刺班作巴簇頭目
七汪達匝簇頭目鎖南堅藏姪沙劄訶里峪簇頭目
落容別香藏簇頭目烏思已牙卜匝簇頭目官著截
卜姪專竹割左約簇頭目朵只節男刺麻割率衆來
朝貢方物賜白金鈿帶襲衣有差○辛未韃靼頭目
答丹等來歸甘肅總兵官西寧侯宋晟遣人送至命
答丹為指揮賜襲衣鈿帶餘賜有差○壬申安定衛
指揮同知撒力加截小曲先衛千戶唐兀等來朝貢
馬賜鈿帶襲衣有差○癸酉起復工部左侍郎兼詹

事府少詹事趙毅○工部左侍郎張本右侍郎甄庸
坐事免官仍命官帶辦事○復設直隸松江府軍儲
北倉○甲戌福餘衛都指揮安出第八禿不花等率
妻子來朝貢馬七十疋賜白金綵帶襲衣○丙子韃
靼頭目脫溫不花來歸賜衣帶牛羊等物如例○己
卯扎童撒兒忽罕答河等處女直野人頭目顏赤不
花等四十人來朝貢馬置扎童撒兒忽罕答河三衛
命顏赤不花等為指揮千戶鎮撫賜誥印冠帶襲
衣及鈿帶有差○法司進月繫囚數
上閱之凡數百人大辟十之一

上謂刑尚書部呂震大理少卿虞謙等曰既非皆死刑
今天氣寒洹而淹禁不決必有死不當罪者誰之過
耶凡雜犯死罪以下約二日悉准贖罪例發遣大辟
繫聽決○庚辰以總兵官左都督何福在寧夏多為
小人所忌慮有傷害之者特勅戒之曰朕委爾守邊
爾能恪遵朝命無所顧忌然聞小人多有不便爾者
宜謹閑防雖居處出入之際皆雖謹之或有遺爾飲
食亦不可不謹蓋小人心儉不可測也○修山西
廣昌守禦千戶祈城池○辛巳戶部人才高文雅言
時政首舉建文事次及救荒卹民言辭率直無所忌

諱

上命禮許會官議行之都御史陳瑛等劾奏其言狂妄
請寘之法

上曰草野之人不知忌諱可恕其中言有可採勿以直
而廢之人召尚書鄭賜論曰不罪直言則忠言進言
言退自古拒諫之事明主不為卿當黷朕心今後言
事者但觀其可用與否人所見不同若有拂逆不可
加罪瑛刻薄非助朕為善者卿等戒之文雅可付吏
部量才授官○壬午勅征安南總兵官征夷將軍新
城侯張輔左副將軍西平侯沐晟等曰聞官軍與賊

相恃賊計王欲延緩以待瘡痍破之宜速不宜緩必
以明年二月滅賊班師○寧夏總兵官左都督何福
奏按視陝西所屬平涼等府堪牧馬之地十有八處
寧夏之際罕腦兒鐵柱泉平涼府之麻務麻川子策
底川紅城川原回里白崖雙井鞏昌府之廟山長小
城蘆子溝鳳翔府之小寨雪白里隴州之咸宜西安
府之桑家庄終南里利程里并圖上其地命吏部各
立苑名設官理之○先是江西安福縣人朱務良等
聚眾劫掠勅江西都司發兵捕之務良等逃入龍泉
縣反衡州府界官軍追及之斬其首三人禽獲八十

一人至是械送至京命悉斬之○癸未夜有星出下
台大如彈丸青白色有光流丈餘發光如鷄子大東
北行○甲申勅寧夏總兵官左都督何福宣府備禦
武安侯郭亨等曰近西寧侯宋晟送至歸附韃靼答
丹等言虜寇欲南行爾等宜謹守邊城嚴兵以防其
侵掠又敕福曰答丹言有韃官苦木帖木兒者率家
屬百餘口來寧夏歸附來則撫緩之處置必得其宜
又須察其誠偽未可輕信并錄答丹所言付福觀之
○復置何端衛命來朝頭目小薛忽魯札等為指揮
僉事等官給以印章何端衛本洪武中所置後為朶

兒只巴攻劫遂廢至是小薛等以請故復置焉○必
輕尚虎河阿羅麗麥蘭河等處女直野人頭目破木
里連同歌我里歌黃脫因等百十三人來朝貢馬賜
鈔幣有差

十二月丙戌朔

上視牲南郊○復張泌為光祿寺卿初泌坐事謫後至
是宥之○陞行人成務為山西道監察御史○朝鮮
國遣陪臣金承靈等奉表貢馬三十六匹謝賜樂器
賜及衣文綺表裏○娑羅國王遣使勿黎都等來朝
貢珍珠等物賜鈔及綵幣有差○丁亥召興河備禦

武城侯王聰同安侯火真等還北京○常州府孟瀆
河閘官裴讓言河自蘭陵溝北至閘六千三百三十
丈南至奔牛鎮一千二百二十丈年久湮塞艱於漕
運乞發民䟽治命右通政張璉發蘇松鎮江常州民
丁十萬浚之○有盜殺人當刑令家人告乞貸死願
服役遠方以贖

上曰貪生長死人之同情豈獨汝哉欲人憐己曷不憐
人汝前殺人時都不推恕於今當死乃望垂憐汝若
可生則死者何罪命即日誅之○戊子遣駙馬都尉
沐昕迎尚師哈立麻先是命中官侯顯等往烏思藏

徵哈立麻至是顯遣人馳奏已入境故遣所迎之
改陝西寧夏中屯等衛儒學為寧夏等衛儒學洪武
中詔寧夏中屯及左右屯衛總攝儒學一置官品秩
如府學其印文曰寧夏中屯等衛儒學至是以中屯
衛併入寧夏衛故改為寧夏等衛儒學易其印而官
如故○庚寅居京州右軍都督僉事吳允誠柴秉誠
陝西都指揮楊劼誠楊汝誠安以誠各遣子進馬賜
鈔幣有差○辛卯大赦天下詔曰朕惟聖帝明王之
於天下體天地之心順萬物之宜以為治朕荷

天命承

皇考鴻基蒞作以來夙夜競惕父母斯民之道惟恐不
至比見有犯法者心甚憐之故屢勅法司以人命至
重議讞審覆務先寬大毋深文誣詆法外求情尚慮
中外奉行不謹致令良善罹于憲條雖欲改過其道
無由今赦天下嘉興維新自永樂四年十二月初六
日昧爽以前除謀反大逆謀殺父母祖父母妻妾殺
夫奴婢殺主謀故殺人蠱毒魘魅毒藥殺人強盜不
赦外其餘已發覓未發覓已結正未結正罪無大小
咸赦除之於乎發政施仁用廣好生之德改過遷善
永同熙皞之風故茲詔示咸使聞知○命烏思藏僧

哈思巴羅葛羅思為灌頂圓通善慧大國師賜之誥
印○是日征討安南左副將軍西平侯沐晟奪宣江
江面軍次洮江北岸與多邦城對壘征夷將軍新城
侯張輔遣右叅將雲伯陽陳旭率師往攻洮江同造
浮橋濟師驃騎將軍都督僉事朱榮等敗賊衆於嘉
林江北先是總兵官議於上流濟師遣榮等以馬步
軍於下流十八里與賊對列日增其數以惑賊又作
舟筏為欲濟之勢以卒誘之至是賊果分兵渡江登
岸且劫奪舟筏榮等奮擊大破之○壬辰別失八里
王沙迷查干遣回回忽都火者等來朝貢馬賜鈔幣

襲衣時回回撒都兒丁者亦別失八里人行商於甘
肅階至京進馬禮部言其來非誠意賜予宜殺等
上曰朝廷柔遠人寧厚無薄其同諸番使例給之○夜
有星大如鷄子青白色光出參宿下西南行後二小
星隨之○癸巳臘日賜文武群臣宴○韃靼頭目苦
木帖木兒等來歸命苦木帖木兒為陝西都指揮僉
事賜姓名曰柴永正達且為莊浪衛指揮僉事賜姓
名曰安汝堅把的為正千戶賜姓名曰平以正俱賜
誥勅冠帶文綺襲衣絲幣○甲午以來歲正且預遣
使賜周王桶織金袍及絲帶鞍馬羊酒并賜正妃冠

服○乙未于闐使臣滿刺哈等辭歸遣指揮神忠母
撒等賫璽書往諭于闐諸處頭目仍賜之織金文綺
與滿刺哈等偕行○丙申征討安南總兵官新城侯
張輔等克多邦城輔先留都督高士文以舟師於箇
招市江口與朱榮兵相接而自率大軍與左副將軍
西平侯沐晟合勢賊所立柵皆近江唯多邦城下沙
灘平濶可注師然士城高峻賊於城下設重濠濠內
密置竹刺濠外坎地以陷人馬亦置竹刺於上下城
上守具嚴備賊兵如蟻時官軍攻具亦完乃下令軍
中曰賊所持者此賊大丈夫報國家成功名在此舉

先登者不次陞賞於軍是士皆踴躍用命是日輔等
軍於沙灘議分兵攻賊輔攻城之西南晟攻城之東
南郡分已定別遣將士阻敵襲之處一里許大設攻
其為急攻之勢出夜明火燃付軍士約登城即燃文
咬銅角為號夜西鼓輔遣都督僉事黃中等御數昇
攻具過重濠至西南城爾攻靈梯財城都指揮蔡福
等先登以刀亂斫賊衆驚呼城上火齊明銅角號響
城下將士俱奮勇繼登賊衆倉皇失措矢石不得發
皆躍下城散走我軍遂入城賊將又於城內列俾接
戰驅象當前輔督游擊將軍朱廣等以盡御蒙馬神

機將軍羅文等以神機鏡翼而前象皆股慄又為鏡
箭所傷皆退奔走器賊衆潰亂官軍長驅而進殺賊
帥梁氏獻蔡伯樂追至傘圓山賊自相蹈藉及被殺
而死者不可勝計獲衆下二器械無算○丁酉起復
都察院左僉都御史劉翥○是日征討安南總兵官
新城侯張輔等循富良江南下遂擣賊東都賊棄城
遁乃駐軍城東南招輯吏民撫納降附其來歸者日
以萬計皆給榜使復業即日遣人馳奏○戊戌趙王
高遂來朝○你蠻等處女直野人頭目乃顏帖木等
來朝貢馬賜之鈔幣○降僧錄司右善世溥洽為右

養義○己亥安順等州井十二營長官司土官何寧
施州盤順宣撫司及羅節安撫司土官之子向墨拘
聳播州宣慰使楊昇等各遣人貢馬及方物俱賜鈔
幣遣還○吾藍兒等處女直野人頭目大失刺程哥
納乞等來朝置木魯罕山衛子掃隣狗站之地命火
失刺等為指揮鎮撫等官賜誥印冠帶襲衣及鈔幣
有差○癸卯征討安南左叅將豐城侯李彬右叅將
雲陽伯陳旭率師擊賊西賊都聞多邦城陷焚西都
宮室倉庫逃入海賊黨有依天健山等處而以兵由
生厥江潭舍江犯官軍者總兵官新城侯張輔遣都

督黃中等屢敗之於是三江路宣江洮江等州縣次第皆詣軍門降○乙巳立春

上御奉天殿文武群行臣賀禮賜宴○復都察院右僉都御史俞士吉官先是士吉有罪下獄尋謫為辦事官仍往蘇松等處治水至是復其職○己酉除戶絕田及桑棗茶租稅廣西薊林等四十州縣官民田二萬七百八十五頃八十五畝桑一萬三千七百二十株茶二十四萬二千九百九株山東樂安等五十七州縣官民田七千一百三十八頃四千畝桑一萬五百一十三株棗一千五百八十二株廣來瓊州等八

府文昌等縣田四千二百四十九頃五十五畝○尚師哈立麻至京入見

上于奉天殿○庚戌宴尚師哈立麻子華蓋殿賜金百兩銀千兩鈔二萬貫絲幣四十五表裏及法器茵褥鞍馬香果米茶等物并賜其徒眾白金絲幣等物有差撒只刺兀河那海奇里窩赤等處女直野人韃靼頭目孛羅帖木落上鎖吉野失那等來朝貢馬賜鈔幣有差○鎮守貴州鎮遠侯顧成奏招諭合江州等十五寨寨長光眼等向化先是都勻衛言光眼等聚眾作耗攻圍合江州命成招諭至是皆服○廣東按

察使羅觀有罪下獄死○辛亥灣泥國王婆羅國東
王西王各遣使奉表朝貢命禮部賜其王文綺紗羅
而賜其使各鈔百錠文綺四疋羅四疋通事僉徒有
差甄寧王薨王諱允熙懿文太子季子也建文中封
徐王

上即位封敷惠王永樂二年改封甄寧王以奉懿文之
祀王聰慧端謹

上素愛之未遣之國忽夜邸第不戒于火王驚仆地火
而始蘇

上命醫亟視之竟成疾而薨時年十六

上深悼之賜祭謚哀簡云○癸丑

上與侍臣語知京師之人多有疾不能得醫藥者歎曰
內府貯藥材甚廣而不能濟人於闕門之外徒貯何
為命太醫院如製藥或為湯液或凡或膏隨病所宜
毋於京城內外散施仍訪朝臣中有通於醫者俾分
任其事又曰朕一衣一食不忘下人之艱猶於起尺
不有能濟何況遠外遂命禮部申明惠民藥局之令
必有實惠勿徒為文具而已○甲寅哈密忠順王祖
母連哥失里遣使赤納等貢馬三十五匹朝鮮國王
李芳遠遣陪臣柳觀等貢方物各賜之鈔幣○元良

哈等處告飢願以馬易米命所司議其直遂定上馬
每匹十五石絹三疋以上馬米十二石絹二疋中馬
米十石絹二疋下馬米八石絹一疋駒米五石布一
疋○除戶絕田糧湖廣道溪等長官司一千四十五
石貴州都司大虎場等堡一百四十七石○己卯寧
太廟○是歲天下戶九百六十八萬七千八百五十九
口五千二百五十二萬四千六百五十六賦稅糧三
千七十萬五千六十九石布帛一百三十六萬三千
五百九十三疋絲綿二十九萬九千一百三十三斤
綿花絨一十九萬五千九百五十二斤課鈔七百六十

六萬一千四百一十二錠金五十兩銀二十萬九千
一百三十六兩銅二千五百四十九斤鐵八萬二千
三百六斤鉛四萬六千六百六十二斤硃砂二千八
十兩海肥三千四萬二千三百二十二索茶一百九
十九萬七百三十八斤蓋一百三十九萬七千一百
五十三引屯田子粒一千九百七十九萬二千五十
石馬六百萬七千四百五十五匹

永樂五年春正月丙辰朔

上御奉天殿受朝賀大宴文武群臣及回夷朝使命婦

朝

皇后于坤寧宮賜宴○是日征討安南總兵官征夷將軍新城侯張輔調清遠伯王交左副將軍西平侯沐晟調都指揮柳璟等合兵討賊自注江濟軍襲籌江柵破之又攻困枚山萬劫江普賴山斬賊首三萬七千三百九十級獲馬偽團副丁部曲殺之餘黨潰散賊將胡杜聚船於盤灘江輔因南策州土人隊正陳封來降使擊杜敗之杜走悶海口盡得其船仍使封招撫諒江東朝等處人民使皆安業於是郡邑聞風相繼降士民上書論黎賊過惡者日以百計○戊午韃靼答哈巴等來歸賜白金綵幣○己未改都察院

右都御史吳中為工部尚書刑部右侍郎李慶為都察院左副都御史○庚申旌表旗守衛千戶張義弟信孝竹信毋違疾醫不能療信剖脇剗肝煮液食之病愈事聞準洪武中李得成例授信尚寶司丞○辛酉享

太廟○壬戌命平江伯陳瑄都督宣信總督海運糧儲思南宣慰使田宗昇來朝貢馬賜之鈔幣○五省河納木里河失魯赤河等處女直野人韃靼頭目滿禿薛黑勒鎖斌胎等三百人來朝貢馬賜鈔幣有差○癸亥朵顏衛指揮兒禿等率所部頭目双温塔木等

八十人來朝貢馬賜之鈇幣有差○甲子以火祀南郊

上御奉天殿文武群臣受誓戒○勅征討安南總兵官新城侯張輔等曰聞爾已破東都得糧甚多賊足充軍食宜愛惜勿妄費廣西所運餉卽停罷如已在途就祈至城堡貯之令如法守備輓運軍民悉罷歸丁卯火祀

天地于南郊

上還御奉天殿文武群臣行慶成禮○戊辰以郊祀禮成大宴文武群臣及四夷朝使○女直野人頭目土

成哈等來朝置喜樂溫河水陽河哈蘭城可令河兀的河何古河撒只刺河依木河亦文山木蘭河阿資河南里河十二衛得的河與石河二千戶所命土成哈等二百二十五人為各衛所指揮千百戶等官賜誥印冠帶襲衣及鈇幣有差○己巳建五臺山佛殿浮圖○韃靼頭目朵兒只等五人來歸賜白金文綺有差○湖廣辰州府土官知府黃禧貢馬賜之鈇幣○是日征討安南總兵官新城侯張輔左副將軍西平侯沐晟等敗黎賊於木九江先是輔得謀報賊舟往來富良江距交州下流二十餘里又言李膺及其

子澄等聚船於黃江等處遂領軍次木九江晟及恭
將豐城侯李彬率步騎戰船由富良江進次魯江黎
賊以船五百餘艘犯我軍輔等水陸並進都督柳昇
等奮擊賊舟膠淺遂大敗獲賊舡百餘艘殺賊將阮
仁子阮磊阮芳斬首萬餘級生禽賊將黃世固彤文
傑馮宗實莫鐵范鞋既利等百餘人皆斬之溺死者
不可勝計時南策州人莫遠等素憤黎賊率土兵萬
人從征屢効勞績馬○丙午元宵節賜文武群臣四
夷朝使宴○築陝西山丹朮昌二衛城○辛未命右
軍都督僉事馬榮叅議郭良率河南山東官軍運津

及德州倉粟儲通州○直隸及浙江諸郡軍民子弟
私披剃為僧赴京冒請度牒者一千八百餘人禮部
以聞

上怒甚曰

皇考之制民年四十以王始聽出家令犯禁若此是不
知有朝廷矣命悉付兵部編軍籍發成遼東甘肅又
歎曰朕遵承舊制一不敢忽下人尚從肆如此何況
後來此不可宥且此輩皆螟騰不可蕃育○壬申潛
江王貴炆薨訃聞賜祭治塋一視宜都王貴炆遼簡
王第五子時甫七歲云○白嶼洋偽都總管林來等

來歸初來逃居海島中自稱總管潮州衛卒周狗兒
嘗至其地得其情詣闕請奉命往招之至是以來等
來朝凡戶三百六十五口八百有奇命隸籍潮州賜
贖為兩淮都轉運鹽使擢前衢州府知府郭敷武進
縣知縣朱仲安收縣知縣王處敬為監察御史敷嘗
坐事免官後有言其材者故復召用○甲戌賜尚師
哈立麻儀仗牙仗二瓜二骨朵二幡幢二十四對香
香二拂子二手爐三對紅紗燈籠二鮫燈二傘一銀
交椅一銀脚踏一銀水碓一銀盆一誕馬四鞍馬二

銀杓一青圓扇一紅圓扇一帳房一紅貯絲拜褥一

○乙亥

上諭後軍都督府同知朱榮等曰朕懷緩遠人凡韃靼
女直野人來朝者皆賜賚之遣還令所經郡縣給廩
饌厚待之蠻夷不循理法往往於經過之地掠人孳
畜財物亦有境內之人窺其所齎而剽奪之自今悉
遣人護送出境○雲南鎮南州言洪武中有命建學
時以民力未敷暫於城隍廟聚徒訓之因循已久今
請別建學舍從之○安鄉伯張興卒興鳳陽壽州人
國初起自行五樹勞績歷官至燕山左護衛指揮僉

事從

上征討其從子勇年壯有膂力從與在行陣為肘腋每戰克捷與嘗單騎追敵身被數十鎗傷重不任戰命另繼領其衆

上既正大統第興功封安鄉伯子孫世襲既卒賜祭及米布賻之○丙子代府官屬屢有告代王桂不受正言靈以非禮者賜桂書曰朝廷簡用賢士為王府官專職輔導

祖訓云毋得輕易陵辱今聞王不以禮待宮媵陵辱殆不能堪繼今宜自悛改如不能盡職者朝廷自有明

憲王不可仍前所為如王不從朕言陵雲如故朝廷無置而不問之理王其審之○設鎮南長官司隸施州衛時施州衛指揮孫演招諭蠻酋覃與等來朝興言洪武初父祖俱為鎮南宣撫後因土酋向添福模化遂廢今鎮南之地有蠻民三百餘戶願率為編氓從其言遂設長官司以與為長官其子為把事○順天府涿州等郡縣水蠲其糧五萬二千三十石有奇○丁丑朵兒必河恨骨河等處女直野人頭目官夫答蘭張禿等八十一人來朝置朵兒必河衛命官夫答蘭等為指揮千百戶鎮撫誥印冠帶襲衣及鈿幣

有差修浙江餘姚縣南湖堤及錢塘仁和嘉興蘇州
吳江長州崑山松江華亭堤岸○己卯賜陝西都指
揮僉事朵爾只寧夏都指揮鐵住姓名朵爾只曰馬
惟良鐵住曰柴克恭各賜誥命○納木里河女直野
人頭目白百舍等來朝置納木河南門河二衛哈魯
門山千戶所命白百舍等為指揮千戶賜冠帶襲
衣及鈔幣有差○壬午

上以方春軍民伐木未息有妨農務命工部覈實凡戶
內丁少及屯田軍士悉罷歸

二月丙戌朔晉王濟燻奏宮中災居室悉燬賜濟燻

書免其三護衛軍士屯糧令併力作之○女直野人
頭目可成哥等來朝置哥吉河野水河納刺吉河亦
里察河答刺河五衛命可成哥等九十二人為指揮
千百戶等官賜誥印冠帶襲衣及鈔幣有差○是日
征討安南總兵官新城侯張輔等遣南策州人莫邃
等宣

上德意安輯諸郡縣官吏軍民令官還原職兵還原伍
民還原業訪陳陳氏宗族選嫡而覽者一人迺京師
請命復其王爵○丁亥遣官釋奠先師孔子○戊子
祭

太社太稷○遣官祭先農○己丑調指揮方賢掌西掌
衛孫原掌永昌衛陳瑛掌山丹衛從西亭侯宋晟請
也晟又請以步軍易馬軍賜勅答曰如步軍俱壯勇
能馳驟則不可然與寇相遇步追之不及乘馬而追
又非所能更審取便利行之○刺鎮守遼東保定侯
孟善曰緣邊韃靼女直野人來朝及互市者悉聽其
便但禁戢士卒勿擾之○哈安溫都兒只青麼連等
處韃靼頭目阿里罕等來朝貢馬賜賚有差○庚寅
尚師哈立麻奉命率僧於靈靈寺建普度大
齋資福

